


傳
 7 伊
 1046
 49

兵
 卷
 百五十六
 百五十七





74
1046
47

文獻通考卷之一百五十六

鄱陽 馬端臨 貴與 著

兵考

郡國兵 鄉兵

周制大國三軍次國二軍小國一軍詳見兵制門

秦始皇并天下列為三十六郡郡置材官

漢列郡王國侯國三者其兵不殊郡有都尉佐太守典武職甲卒

其在王國者則以內史比郡守中尉比都尉侯國亦有相秩比天

子令長其郡國之兵必有虎符而後可發

齊王欲發兵誅諸呂魏勃曰王欲發兵非有漢虎符驗也

武帝建元三年東甌告急上曰吾新即位不欲出虎符召兵郡

國乃遣嚴助以節發會稽兵會稽守欲距法不為發助乃斬一

東

和
289
47

司馬諭指意遂發兵浮海救東甌 七國敗弓高侯詰膠西王
印曰未有詔虎符擅發兵王其自圖之印遂自殺至公孫戎奴
為上黨太守發兵不以聞免

高祖命天下選能引閼蹶張材力武猛者以為輕車騎士材官樓
船常以秋後講肄課試各有負數平地用車騎山阻用材官水泉
用樓船

光武以幽冀安克定天下始於黎陽立營領兵騎常千人以謁者
監之號黎陽兵

建武六年詔罷郡國都尉并職太守無都試之法

七年罷天下輕車騎士材官樓船及軍假吏悉還民伍詳見兵制門

晉武帝大封同姓大國三軍兵五千人次國二軍兵三千人小國
一軍兵千五百人

太康元年既平吳詔悉去州郡兵大郡置武吏百人小郡五十人

唐制高祖武德初始置軍府折關中為十二道以驃騎車騎兩將
軍領之

太宗貞觀十年更號統軍為折衝都尉別將為果毅都尉諸府總
曰折衝府凡天下十道關中置府一百七十三河南置府六十二
河東道置府百三十九河北道置府十四山南道置府凡十隴右
道置府二十九淮南道置府凡六江南道置府凡二劔南道置府
凡十嶺南道置府凡三共十道置府五百六十四皆有名號而關
中府皆以隸諸衛凡府三等兵千二百人為上為中八百人為下
府置折衝都尉一人左右果毅都尉各一人長史兵曹別將各一
人校尉六人士以三百人為團團有校尉五十人為隊隊有正十
人為火火有長

高宗武后以來府衛之法寢壞變而為彊騎彊騎變而方鎮之兵

熾矣詳見兵制門

林氏曰唐之府兵折衝都尉雖隸於諸衛軍城守捉實散在於諸道每歲季冬折衝將率兵馬之在府者置左右校習戰陣之儀步隊騎隊之有其制擊鉦伐鼓之有其節國無不習之兵然府兵六百三十四所以三百六十有一在關中固為重本計而諸道二百有餘分布錯置亦為防外設唐初相制之意非不善也夫何更代法廢諸府之籍不補折衝之將不遷見兵制及范陽之變所過州縣望風瓦解如入無人之境外兵蓋失於不補耳迨至諸鎮之兵共起討賊其後安史繼亂中國雲擾肅宗命李光弼等討之號九節度之師大盜既滅而武夫戰卒以功起行陣者皆除節度由是方鎮相望於

內地朝廷不能制而甘為姑息之政是以京師有變藩鎮亦驅兵而至朱李之徒相繼犯關唐祚遂以瓜裂此亦矯重外兵之失也嗟夫輕則盜賊以乘隙重則牧鎮以擾兵為國者安可不權其勢歟

田承嗣鎮魏博選舉六州驍勇之士五千人為牙軍厚其給賜以自衛為腹心自是父子相繼親黨膠固歲久益驕橫小不如意輒族舊帥而易之自史憲誠以來皆立於其手天雄節度使羅紹威心惡之力不能制朱全忠之圍鳳翔也紹威遣軍將揚利言密以情告全忠欲借其兵以誅之全忠以事方急未暇如其請陰許之及李公佐作亂紹威益懼復遣牙將臧延範趣全忠全忠乃發河南諸鎮兵七萬遣其將李思安將之會魏鎮兵屯深州樂城聲言擊滄州討其納李公佐也會全忠女適紹威

子廷規者卒全忠遣客將馬嗣勳實甲兵於橐中選長直兵千人為擔夫帥之入魏許云會堊全忠自以大軍繼其後云赴行營牙軍皆不之疑庚午紹威潛遣人入庫斷弓弦甲攴是夕紹威帥其奴客數百與嗣勳合擊牙軍牙軍欲戰而弓甲皆不可用遂闔營殪之凡八千家嬰孺無遺

宋太祖皇帝詔諸州長吏選所部兵送都下以補禁旅之闕詳見
門宋制軍有禁軍廂軍二等國初盡選驍勇部送闕下以補禁衛餘留本城其後開拓土宇申嚴紀律關防要害皆設屯戍漕輓營繕力役之任悉用士伍自乾德至于乾興召募增置名額漸廣凡所規畫盡為節制畿甸之內蕃服雖大不以加也邊防之地堡障雖小必有備也廂軍者諸州之鎮兵也各隸其州之本城專以給役內總于侍衛司而尚書兵部掌其政令一軍之額有分隸數州

者或一州之管兼屯數軍其教閱者始號廂禁軍後皆以為下禁軍其給使於諸司者亦各以其事役屬焉○禁軍月奉五百以上者皆日閱習武技其三百以下有閱習或充役者成川廣者不習其後詔諸道騎兵頗為長吏之所役使失於教習自今止之禁軍殿前侍衛司分領見禁廂軍總諸州騎兵之額四十八步兵之額百八十三又在京諸司之軍額有五分給畜牧繕修之役隸宣徽院州有屯兵者官給錢宴犒將校謂之旬設九諸州置馬步軍都指揮使副都指揮使都虞候馬軍有都指揮使副都指揮使都虞候步軍亦如之馬步軍諸指揮各有指揮使副指揮使開寶中教縛使在指每都有軍使副兵馬使都頭副都頭廂軍頭十將將虞候承局押官置都監監押以領之歲時簡練焉下州及軍監但有守城兵則軍校之職隨宜裁置其諸州都監監押止得典司軍

旅及補逐寇賊不許閱預州縣政事屯駐禁軍將校凡帶違郡令以客禮見長吏餘如統攝之儀其吐的訪置禁軍將校之禮

正齋陳氏曰自建隆二年以諸郡本城共百役淳化四年十月

通鋪兵士並於本城諸指押內輪差供及二年替成平三年

九月宣諸路本城兵士差直馬迺鋪祇應內有般穿者今後

並五年一替不般穿者三年一替嘉祐元年九月二十七

定州都著禮奏在城廟軍逐年抽上黃河批役并修葺倉營

咸也迎送官負磨掌性來又自官中不招添以來人數轉火

今來一名當者數人色欲耀宜勾抽馬迺鋪開劉人與州驅

使見得自化或更成他郡又按成平三年二月二十七

泊歸營却同不帶例天禧四年十月二十二日永州團練使

錢惟濟奏諸州兵士差往邊上守托及於都同巡檢下提

及諸色役多是別指揮節級軍負部轄或有違犯未有明文

元豐四年七月福建路間占奏巡檢下士六道差到年歲間

指揮加禁軍或也駐客軍不請本路山川道差到年歲間

南第十肖下部軍六指揮年常令差使臣姓抽簡州威果四

人鄂州懷恩三百五十一人鼎州歸遠二百六人廣德軍教

閱忠節一百六十一人替閱歸不但以逸民才也所以勞苦

其身違離其妻子使習於南北風土之異而不得坐食於本

營蓋勞之則易使散之則易養此藝祖神謀也三司禁旅就

糧州郡亦不得常坐食於京師按祥符編數淳化四年十二

禁軍欲往軍前屯駐泊巡檢守犯處及歸學指揮收管如

及二三十人便須問奏乞差使臣管押景德四年知福州陳

象輿奏駐泊許州騎射指揮節級兵士多缺命抵一家三百

二十人今揀選肩知高大依與養候替換日赴京師送納

皇祐三年宣差在京步軍虎翼第四指揮使唐與下五百二

十二人宋興下三百二十人至福州提轄司如轄下州軍缺

入防守緩急抵捕盜賊去處便仰量酌自列郡各置禁軍於

是嚴差出占破之令慶曆三年四月十四日宣置定毅指揮

十七日宣定毅兵士不得差上細及出外諸般功役其知州

以下不得影占一名嘉祐四年八月宣置統糧禁軍以威果

為額七年十月九日呂海奏諸般虛占人數治平四年五月七

不得差出防護情請諸般虛占人歡治平四年五月七日初

主兵之官冗占雜使法外而壯城元豐三年四月十二日密

重斷仍令提轉覺察申奏

而壯城元豐三年四月十二日密

院劄子於廂軍內差壯城

兵士大城五十人崇寧五年五月置院熙寧元年置各置指揮由是在

軍禁旅無就糧者熙寧五年宣諸路教閱禁軍在城防托

而廂軍亦升為禁軍不復戍役矣養兵之費徧天下虜人犯

關無或能發一矢者以不守藝祖舊章也

開寶八年發渭州平源潘源二縣民治城壕因立為保毅軍弓箭

手分鎮戍寨能自置馬者免役逃死以親屬代蓋因周廣順之制

周廣順中點秦州稅戶充保毅軍

止齋陳氏曰此所謂義軍也藝祖有志於民兵矣咸平五年

始置營升為禁軍其後浸有點差之令而前朝名臣多言不

便咸平五年五月命使臣分往御寧環慶涇原渭隴鄜延等

各本州置營升為禁軍號曰振武指揮既而帝曰邊防缺兵

年嘗於曹單宋毫汝頡間點禁軍壯士五七萬人始降宣命只

今在本城防守及至奏聞都數即便押赴京師見侍御史知

雜事田錫奏康定元年差吳遵路等於河東點差禁軍壯兵一

十四萬三千餘人多而不精頗防農事見河東轉運使文

彥博奏慶曆元年宣差朝臣往陝西河東西路點差禁

壯弓手願充軍人分配宣毅保捷指揮謹列不便事件如左

見知諫院張方平奏治平元年十一月差提點刑獄陳安石

於本路人戶三丁之內刺一萬為充勇如果若此大為非便

自寶元慶曆之間因趙元昊叛遂於三路人戶不問貧富等

第但有三丁充御弓手及強壯尋將陝西一路鄉弓手盡刺

面充保捷指揮韓琦為相嘗身歷西事留意兵政刺陝西義

勇知諫院司馬光至六疏爭之不聽已而新法行熙寧六年

十月遂罷強壯弓箭手而行保甲海內騷然要之皆以刺配

為軍失祖宗本意而非民兵不可復以臣愚見條約弓箭社

如龐籍蘇軾則人情不擾而邊備修矣此今日所當講也

仁宗皇祐中京東安撫使富弼上言臣頃因河北水災農民流入

京東者三十餘萬臣既憫其濱死又防其為盜遂募伉健者以為

廂兵既而選尤壯者得九指揮教以武技已類禁軍今止用廂兵

廂兵既而選尤壯者得九指揮教以武技已類禁軍今止用廂兵

廂兵既而選尤壯者得九指揮教以武技已類禁軍今止用廂兵

俸廩而得禁軍之用可使効死戰鬪而無驕橫難制之患此當世大利也詔以騎兵為教閱騎射威邊步兵為教閱壯武威勇分置青萊淄徐沂密淮揚七州軍征役同禁軍初弼請刺教閱字帝不許止加於軍額嘉祐四年復詔西路於鄆濮齊兗單州置步兵指揮六如東路法於是東南州軍多置教閱廂軍皆以威勇忠果壯武為號訓練如禁軍免其他役

英宗治平初遣使分募河北河東陝西京東民為本城兵遇就糧禁軍闕即選補又陝西州軍悉置壯城如河北以備繕完城壘之役蓋景祐中本城四十三萬八千逮治平三年乃五十萬矣總諸州本城教閱騎軍之額四步軍之額六不教閱騎軍之額三十有五步軍之額一百九十有五

河北河東神銳忠勇強壯

仁宗時神銳忠勇廢已久而忠順保

毅僅有存者康定初詔河北河東添籍強壯河北凡二十九萬三千河東十四萬四千皆以時訓練自夏人逆命王師屢岌正兵不足乃籍陝西之民三丁選一以為鄉弓手未幾刺充保捷軍為指揮一百八十五分戍邊州及西師罷多揀放為民慶曆二年籍河北強壯得二十九萬五千揀十之七為義勇盡拔民丁增廣其數河東亦揀刺如河北法其後議者論義勇為河北伏兵以時講習無待儲廩得古者寓兵於農之意惜其束於列郡遺其大用只以為城守之備誠能令河北邢冀二州分東西兩路命二郡守臣分領以時閱習寇至即兩路義勇翔集赴援使其腹背受敵則是河北三十餘所當伏銳兵群胡何恃不恐朝廷下其議河北帥臣李昭亮筭議曰昔唐澤潞留後李抱真籍戶丁男三選其一農隙則分曹角射歲終都試以示賞罰三年皆善射舉部內得勁卒二萬

既無廩費府庫益實乃繕甲兵為戰具遂雄視山東是時天下稱
昭義步兵冠於諸軍此則近代之顯效而或者謂民兵祇可城守
難備戰陣誠非通論也但當無事時便分義勇為兩路置官統領
以張用兵之勢外使敵人疑而生謀內亦挫動衆心恐非寓兵之
術也姑令在所點集訓練三二年間武藝稍精漸習行陣遇有警
得將臣如抱真者統馭制其陣隊示以賞罰何戰敵不可哉至於
部分布列量敵應機遣用之地繫於臨時便宜亦難預圖况河北
河東皆邊胡之地自置義勇州縣以時按閱耳目已熟行固無疑
詔如所議歲教閱以新舊籍并闕數聞

熙寧七年轉運判官黃好謙言河東強壯前已寢廢其募於河北
者舊給唐汭河游之田力不足以耕重苦番教應募者寡請罷強
壯以田募民耕毋過兩頃蠲其賦以為保甲從之

陝西保毅

周廣順置開寶八年因之 詳見 咸平初秦州極邊上

置千人分番戍守月給米冬賜衣五年點陝西沿邊丁壯充保毅
凡得六萬千人給資糧與正兵分戍邊郡慶曆初悉剽為保捷軍
唯秦州增置及三千人環慶保安亦各置籍時諸州總六千五百
十八人為指揮三十一皇祐五年涇原都總管程勣上言陝西保
毅近歲止給役州縣無復貴以武技自點剽為保捷軍而家猶不
免保毅之籍或折賣田產而所售之家以分數助役今秦州僅三
千人久廢農業請罷遣詔自今敢私役者計傭坐之其後詔買保
毅田承名額者悉揀剽以為義勇

熙寧四年詔廢其軍

河北忠順

自太宗朝以瀛莫雄霸州乾寧順安保定軍家戶置

凡三千人自陶河至泥姑海口九百里為二十六寨一百二十六

文獻卷百五十六
鋪沿界河分番巡徼隸緣邊戰棹巡寨司自十月悉上人給糧二
亦至二月輪半營農慶曆七年夏竦建議與正兵參戍其後以多
補亡者權放業農俟歲豐如故自後不復補

河北陝西疆人 咸平四年募河北民詣契丹道路勇銳可為間
伺者充強人置都頭指揮使無事散處田野遇虜人寇追集給器
甲口糧食錢遣出塞偷斫賊壘能斬首級奪馬者如賞格虜獲財
畜皆畀之慶曆二年環州亦募涅手背自備戎械并馬置押官甲
頭隊長凡四等以下免役上番防守月給俸廩三年涇原路被邊
城寨悉置環慶二州復有寨戶天禧慶曆間募置番戍為巡徼斥
堠日給糧人賦田八十畝能自備馬者益賦田四十畝遇防秋官
給器甲下番隨軍訓練為指揮六

河北河東強壯 自五代時瀛霸諸州已有之咸平三年詔河北

家二丁三丁籍一四丁五丁籍二六丁七丁籍三八丁以上籍四
為強壯五百人為指揮置指揮使百人為都置正副都頭二人節
級四人所在置籍擇善騎射者第補校長聽自置馬勝甲者蠲其
戶役五年募其勇敢團結附大軍為柵官給鎧甲景德元年遣使
分詣河北河東集強壯借庫兵給糧訓練非緣邊即分番迭教遇
虜人寇悉集守城寇退放營農至康定初州縣不復閱習多亡其
籍乃詔二路選補增廣為伍保迭亂游手不業農及作奸者二十
五人為團置押官四團為都置正副都頭各一人五都為指揮置
指揮使各以階級伏事年二十條籍六十免取家人或他戶代之
歲正月縣以籍上州州以籍奏兵部按舉不如法者慶曆二年悉
揀以為義勇不預者釋之而存其籍以備守葺城池而強壯自此
寢廢矣

河東陝西弓箭手

周廣順初鎮州諸縣十戶取材勇者一人為

之餘九戶資以器甲芻糧建隆二年詔釋之凡一千四百餘人

景德二年鎮戎軍曹瑋言有邊民應募為弓弩手者請給以閒田

蠲其徭賦有警可參正兵為前鋒而官無資糧戎械之費詔入給

田二頃出甲士一人及三頃者出戰馬一疋設堡成列部伍補軍

置巡檢以統之其後郊延環慶涇原并河東州軍亦各募置慶曆

中諸路總三萬二千四百七十四人為指揮一百九十二至和

二年韓琦奏昔潘美患契丹數入寇遂驅旁邊耕民內徙苟免一

時失備之咎其後契丹講和因循不復許人復業遂名禁地歲久

為戎人侵耕漸失疆界今代州寧化軍有禁地萬頃請如草城川

募弓箭手可得四十餘千詔如其請條視山坡川原地均給入二

頃其粗秋輸川地畝五升均原地畝三升毋折變科徭仍指揮即

擇山險為社以君止備征防毋得擅役先是麟府豐州亦以閒田

募置人給屋貸口糧二石而德順軍靜邊寨壕外弓箭手尤為勁

勇夏人利其地數來爭朝廷為築堡戍守至治平末河東七州軍

弓箭手總七千五百人陝西十州軍并寨戶總四萬六千三百人

熙寧二年兵部上河東七郡舊籍七千五百今籍七千陝西十郡

并寨戶舊籍四萬六千三百唯秦鳳有寨戶三年秦鳳路經畧

使李師中言前年築熟羊等堡募蕃部獻地置弓箭手迄今三年

所募非良民初未嘗團結訓練場力田事今當置屯列堡為戰守

計置屯之法百人為屯授田於旁寨置將校領農事休即教武技

其牛具農器旗鼓之屬並官予置堡之法諸屯併力自近及遠築

為堡以備寇至寇退則悉出掩擊從之五年趙高為鄜延括地

萬五千九百頃募漢蕃弓箭手四千九百人帝嘉高能省募兵之

費有詔褒賞 六年詔熙河路以公田募弓箭手其旁塞民強勇願自占田出租賦聯保伍或義勇願應募或民戶願受蕃部地者聽中書條例司乞五路弓箭手寨戶除防托巡警及緩急邊事許差發外若修城諸役即申經畧司如敢擅差及科配和顧並論違制罪從之 八年環慶路經畧使范純仁言舊陝西募弓箭手百姓不許典買租賃蕃部田土臣今體訪環慶諸州城寨熟戶昨因災傷多以田土典賣與蕃部切恐既賣盡田土則無願戀之心詔依舊勅 元豐四年涇原路經畧司言本路弓箭手闕地九千七百頃渭州隴山一帶川原陂池四千餘頃可募弓箭手二千餘人或願應募乞收其地入官從之 六年鄜延經畧司言弓箭手於近裏縣置田兩處立戶及四丁以上乞取一丁為保甲一丁為弓箭手有二丁至三丁即且令充弓箭手詔保甲願充弓箭手者

聽其見役弓箭手與當丁役毋得退就保甲陝西河東亦如之 八年殿前副都指揮使劉昌祚奏根括隴山地凡一萬九百九十頃招置弓箭手人馬凡五千二百六十二人騎賜教書獎諭 紹聖元年樞密院言熙河等路經畧司奏本路弓箭手以戰功補官者遣歸所屬差使仍以其地令親屬承刺如無召入承之 崇寧元年樞密院勘會陝西五路并河東自紹聖開斥以來疆土至廣遠者數百里近者不減百里罷兵以來未曾措置田多膏腴雖累降詔置弓箭手類多貧乏或至逃亡州縣鎮寨汚吏豪民冒占沃壤利不及於平民且並緣舊疆侵占新土今遣官分往逐路提舉措置應緣新疆土田分定腴瘠招置弓箭手推行新降條法舊弓箭手如願出佃新疆亦仰相度施行詔湯景仁河東路董采秦鳳路陶節夫環慶路安師文鄜延路並提舉弓箭手 大觀二年

詔罷提舉弓箭手 四年詔復置提舉弓箭手以武臣為之以前所置文臣皆養安不能親詣極邊衝冒寒暑經理蕃地故也 三年提舉河東路弓箭手司奏本司體訪得沿邊州軍逐處招置弓箭手多將人戶舊用工開耕之地指射剽奪其舊佃人遂致失業且所出租僅比佃戶五分之一於公私俱不便今欲乞應係官莊屯田已有人租佃及五年者並不在招置弓箭手請射之限其河東路察訪司初不以邊防民兵為重姑息佃戶致有此弊欲乞應熙寧八年以前人戶租佃官田並先取問佃人如願投刺弓箭手每出一丁許依條給見佃田二頃五十畝充人馬地若不願充弓箭手及出外尚有請占不盡地土即拘收入官從之 提舉熙寧河蘭湟路弓箭手何灌申漢人買田尚多比緣打量其人亦不自安首陳已及一千餘頃若招弓箭手即可得五百人若納稅租依條

每畝三斗五升草二束一歲之間亦可以得米三萬五千石草二十萬束今相度欲乞將漢人買置到蕃部土田願為弓箭手者兩項已上刺一名四項以上刺兩名如願者依條立定租稅輸納其巧為影占者重為禁止從之七年三月詔熙寧河鄯湟自開拓已來疆土雖廣而地利悉歸屬羗官兵吏祿餼給縣官不可為後計仰本路帥臣相度以錢糧茶絲或以羗人所嗜之物與之貿易田土田土既多即招置弓箭手入耕出戰以固邊圉 靖康元年臣僚上言陝西恃弓箭手為國藩籬舊隸帥府比年始置提舉司其提舉官務多取數目以為功將舊人已給田分擘招刺新人貪賞欺蔽遂至選練不精法制浸壞乞罷提舉司復隸帥司其已分擘弓箭手田土依舊改正撥還招到新人依條別給地庶得均濟從之 河北河東陝西義勇 慶曆三年選河北河東強壯并批民丁涅

于背為之戶三等以上置弩一當稅錢二千三等以下官給各營
 於其州歲教練給俸廩犯罪斷比廂軍下番比強壯 治平元年
 詔陝西民除商號二州餘悉義勇凡主戶家三丁選一年二十至
 五十材勇者充以五百人為指揮置將領詳見兵制門又詔秦隴儀渭
 涇原邠寧環慶鄜延十二州義勇遇召集防守日給米二升給醬
 菜錢三百蓋慶曆初河北路總十八萬九千二百三十一人河東
 路總七萬七千七十九人陝西路治平初總十五萬六千八百七
 十三人

熙寧元年樞密使呂公弼請以河北義勇每指揮揀人材少壯事
 藝精強者百人為上等手背添刺上等二字從之 帝言義勇可
 使分為四番出戍呂公弼曰須先省得募兵乃可議此王安石曰
 計每歲募兵所死亡之數乃以義勇補之可也陳升之欲令義勇

以漸戍近州兩府共議或以為令一月一番或以為一季一番且
 令近戍文彥博等又言難使遠戍安石辨之甚力 兵部上陝西
 河南河東義勇數陝西路二十六郡舊籍十五萬三千四百益以
 環慶延州保毅弓箭手三千八百總十五萬六千八百為指揮三
 百二十一河北三十三郡舊籍十八萬九千二百今籍十八萬六
 千四百為指揮四百三十而河東二十郡自慶曆後總七萬七千
 為指揮一百五十九凡三路義勇之兵總四十三萬三千五百人
 三年涇原經畧使蔡挺言欲以涇渭儀原四州義勇分五番三千
 人防秋以八月十五日上十月罷防春以正月十五上三月罷周
 而復始詔從之行於諸路判延州郭達言陝西起發義勇赴緣邊
 戰守今後並令自齎一月糗梁折本戶稅賦若不能自備則就所
 發州軍預請一月口食從之知求興軍司馬光極言分義勇四番

於沿邊屯守以為挑敵勞人虛費糧餉於是永興一路獨得免

六年詔永興軍河中府陝解同華鄜延丹坊邠寧環耀十五州軍

各依元刺義勇外商魏保安軍並止團成保甲 八年諸路義勇

總二十四萬七千五百人 元豐四年蒲宗孟言乞開封府五路

義勇並改為保甲自此以次行於諸路義勇寢銷皆聯為保甲云

陝西護塞 慶曆元年募土人熟山川道路曉藩情善騎射者涅

臂充二百人為指揮自備戎械就鄉閭習武技李一集州閩教無

事故營農月給鹽茗有警召集防守即廩給之母出本路

麟州義軍 與弓箭手畧同而不給田康定元年詔麟府州募歸

業人增補俾耕本戶故地免其租稅

荆湖義軍土丁弩手 不見初置之始北路辰澧二州南路全邵

道永四州皆置蓋溪峒諸蠻種類滋熾保據巖嶮或判或服控制

陬落須其土人故置是軍皆選自戶籍蠲免徭賦番戍寨柵大率

安其土風則罕嬰瘴毒知其區落則可制狡獪其校長則有都指

揮使副都指揮使指揮使副指揮使都頭副都頭軍頭頭首採所

招安頭首十將節給皆叙功遷補使相綜領施之西南寔代王師

有禦侮之備而無饋餉之勞其後荆南歸峽羅郴衡桂陽亦置慶

曆二年北路總萬九千四百人南路總五千一百五十八人番戍

諸寨或以歲或以季或以月上番人給口糧有功遷補自都副使

指揮使歲給錦袍月給食錢指揮使副指揮使給紫大綾綿袍都

頭以上率有廩給

熙寧初籍其數凡一萬五千人 六年諸路行保甲司農寺請令

全邵二州土丁弩手共為保甲立保正保長以統之 元祐七年

湖南路鈐轄謝麟請以邵陽武岡新化等縣中等以下戶選充土

丁

丁弩手與免科役七年一替排補將級不拘替放年分作兩番邊
 寨防拓不得募人如有私役依私役禁軍敕論從之 政和七年
 募湖北辰沅澧州土丁為刀弩手授以閑山散居邊境教以武藝
 其隸于籍者至九千餘人靖康初全軍調發前往河東援太原陷
 於虜存者僅千五百人 建炎二年罷之 紹興六年命招募以
 三千五百人為額 淳熙三年敕募人教閱犒賜如禁軍例然刀
 弩手舊田諸郡已收為省計有司雖募人為之徃徃無田可給但
 虛立姓名以應命又土人多憚點集甚患苦之李燾張拭力言其
 不便拭請用見數委提刑躬行點檢候有田設官始令招足元額
 燾復言如此則提舉刀弩一司又當復置而欲冒賞者必至橫沒
 民田為害滋大不若以見點數為準專委守臣寬以歲月令招及
 從之湖南鄉社舊制領以鄉豪有彈壓緝捕等名大者統數百家

小者亦二三百家由潭連道英韶柳桂皆置 淳熙七年言者奏
 鄉社之擾請罷之帥臣辛棄疾言鄉社皆處深山窮谷中忠實校
 詐色色有之不可盡罷欲擇其首領使大者不過五十家小者減
 半屬之縣尉從之

夔州路義軍土丁壯丁 州縣籍稅戶充或自溪峒歸投分隸邊
 寨習山川道路遇蠻入寇遣使襲討官軍但據險策應之其校長
 之名隨州縣補置月給衣糧犒賜有差有功者以次遷 熙寧初
 詔除防托巡警外敢擅差役及科配和顏並科違制之罪
 施黔思三州義軍土丁 總六千三百六十五人隸都巡檢司施
 州諸寨有義軍指揮使把截將寨并土丁總一千二百八十一人
 壯丁六百六十九人又有兩路巡防殿侍兼義軍都指揮使指揮
 使都頭十將押番寨將黔州諸寨有義軍正副指揮使兵馬使都

頭寨將把截將并壯丁總千六百二十五人思州洪杜彭水縣有
義軍指揮使巡檢將寨糧理旁頭把截部轄壯并壯丁總千四百
二十二人

渝州懷化軍涪州江津巴縣巡過將 皆州縣調補其戶下率有

子弟客丁遇有寇警一切責辦主戶 治平元年詔懷化軍涪州

巡過把截將歲支料鹽襖子湏三年其地內無寇警乃支三年一

比如有失縱或致撩寇五次即罷給有勞者增之仍使分地戍守

涪州義軍 舊無之嘉祐中始補賓化縣夷人為義軍正都頭副

把截將小節級其請給節制大率如渝涪

廣西西路土丁 嘉祐七年籍稅戶應常役外五丁點一為之凡

得三萬九千八百人分隊伍行陣習槍鏢牌州縣以特按閱 紹

興八年廣西經畧胡舜陟言數十年來武備弛廢土丁老弱混雜

嘗乞只就鄉村教習更不分番入州縣已得朝旨於諸縣逐鄉置

教場自十一月起教至次年正月罷教輪差縣官檢點今以一路

人數計之土丁五萬一千八百九十六人保丁七萬六千一百五

十九人若帥臣不變更更一二年必為精兵詔依 乾道二年詔

土丁邕宜雅等州籍定姓名年甲年五十則汰別選戶丁替保甲

州一名士丁皆父兄弟皆在其數後以廣南東路槍手 嘉祐六

年廣惠梅潮循五州以戶籍置三等以上免身役四等以下免戶

役歲以十月集縣教閱 治平元年詔有關即招補招補不足選

本鄉有武技者充

熙寧元年詔廣州槍手十之三教弓弩手是歲會六郡槍手為指

揮四十一總一萬四千七百有奇 六年詔戶四等以上有丁三

者以一為保甲每百人為一都五都為一指揮輪番教閱 九年

詔

兵部廣東五郡槍手請籍主戶第以上丁壯無過舊額一萬四千之數餘以為保甲奏可

邕州溪峒壯丁 治平二年廣西安撫司集左右兩江四十五溪洞知州峒將各占隣迭為救應仍籍壯丁補校長給以旗號峒以三十人為一甲置節級五甲置都頭十甲置指揮使五十甲置都指揮使總四萬四千五百人以為定額各置戎械遇有寇警召集之二年一閱察視戎械有老疾并物故名闕避少壯者填三歲一上其籍

熙寧中王安石言募兵未可全罷而民兵可漸復至於二廣尤不可緩今中國募禁軍往戍南方多死陛下誠移軍職所得官十二鼓舞百姓豪傑使趨為兵則事甚易成於是蘇軾請訓練二廣峒丁以利祿勸獎使勤於閱習從之十年樞密院請邕欽峒丁委

經畧司行下訓練第為三等軍功武藝出衆為上蠲其徭役人材趨捷為中蠲其科配餘為下邊盜發則首長相報率族衆以捍寇元豐元年經畧司請集兩江峒丁為指揮權補將校奏可其後又增置都巡檢使兩員 五年詔廣南保甲如戎瀘故事自置裹頭無刃槍竹鏢排木弓刀蒿矢習武技遇捕盜則官給器械 六年廣西提點刑獄彭次雲言邕苦瘡瘍請量留兵更戍用峒丁以季月番上給禁軍錢糧詔從之議者謂若以代正兵恐妨農請計戍兵三之一代以峒丁李輪二千起邕州肄習武事制可 大觀二年八月詔熙寧團集左右江峒丁十餘萬衆自廣以西賴以防守今又二十萬衆來歸已令依左右江例相度聞奏及所條法入熙河蘭湟秦鳳路教施行 紹興四年廣東宣諭明橐言邕州有左右江峒丁本防交趾比年點差赴桂州防拓其峒官及親屬及本

戶丁夫未嘗被差科率錢糧擾之無所不至乞行下經畧司應峒
丁士丁各仰本處防守無得調發詔依

河北弓箭社

河北舊有之

熙寧三年知定州滕甫言中國夷

狄之兵常患多寡不敵蓋中國兵有定數至於平民則素不使知
戰夷狄之俗人人能戰舉國皆兵此其所以多勝也今河北州縣
近山谷處民間各有弓箭社及獵射人習慣便利與夷人無異欲
乞下本道逐州縣並令募諸邑公人及城郭鄉村百姓有武勇願
習弓箭者自為之社每歲之春長吏就閱試之北人勁悍緩急可
用從之 元祐八年知定州蘇軾上言欲將河北弓箭社照河東
陝西弓箭社例官給田以供車馬事詳見兵制門宣和七年臣寮言京
東西兩路昨因提刑梁揚祖奏請勸誘民力充弓箭社原立法之
意不過使鄉民自願入社者閱習武備為禦賊之具爾奈何邀功

生事之人唯以入社之民衆多為功厚誣朝廷而歛怨于民賢真
州縣急於星火取五等之籍甲乙而次之家至戶到追胥迫脅悉
驅之入社更無免者法始行於西路西路既已冒受厚賞於是東
路憲司前後論列誕謾滋甚近者東路之奏以數計至二十四萬
一千七百人又奏武藝優長一十一萬六千餘人且云比之西路
僅多一倍陛下灼知其不然雖命帥臣與廉訪使者覈實彼安肯
以實聞乎今東路憲司官屬與登瀛兩州當職官坐增秩者幾二
十人而縣令佐不及焉不知出入阡陌間勸誘者誰歟此其誕謾
可知矣審如所奏有被甲執兵之民數十萬按閱有方則山東之
寇何至累月淹時未見殄滅哉則其所奏二十四萬與十一萬殆
虛有名不足以捍賊明矣大抵因緣追擾民不堪其勞則老弱轉
徙道路強壯起為盜賊此亦致寇之一端也近者仰願陛下遣將

出師授以方畧又命近臣持招撫諭至於發內庫之藏轉准甸之粟以賑給之寬免其稅租蕩宥其罪矣丁寧纖悉罔不曲盡方將歸伏田畝以為遷善遠罪之民詎可以其所甚病擾之邪且私家有兵器在律之禁甚嚴三路保伍之法雖於農隙以講武事然猶事畢則兵器藏於官府今弓箭社一切兵器民皆自藏於家不幾於借寇也哉望陛下斷自聖心罷京東弓箭社之名所藏兵器悉送之官使民得免非時追乎迫脅之擾以安其生應兩路緣弓箭社推恩者並追奪改正首議之人重賜黜責後來奏請誕謾亦乞特賜施行庶幾群下悚懼不敢妄進曲說以肆其姦實今日之先務也詔並依奏梁楊祖落職其禁兵器令安撫司並拘入官弓箭社人依已降指揮放散 建炎元年六月河北京東巡社鄉民結集以禦金賦詔以忠義巡社為名隸安撫司後樞密院立法募鄉

民為之以忠義強壯為名每十人為一甲設甲長隊長社長都正於鄉并便剽劫寨以時按試不得非時追擾

川陝土丁 熙寧七年經制瀘州夷事熊本募土丁五千人入夷界捕戮水路大小四十六村蕩平其地二百四十里募民墾耕聯其屬夷以為保甲 政和六年瀘南安撫使孫義叟奏邊民冒法買夷人田依法盡拘入官招置土丁子弟見招到二千四百餘人欲令番上從之

福建路搶伏手 元豐元年福建轉運使蹇周輔奏恩為盜以搶伏手捕殺乃有冒為搶伏手之人乘賊勢驚擾村落甚於恩詔犯者刺配仍額定搶伏手人數以歲閱集依保甲法隸提刑司有保長保正具教閱捕盜食直等令總一萬二百人有奇聽自置兵械寄於官遇捕盜乃給 元祐元年御史上官均言搶伏手老弱

宋史卷一百一十五 兵考 十一

不閑武技者十七八監司按試多克期呼集既至往往代名充數
冒賞徒有呼集之勞而無校試之實如未欲罷乞重行考覈

靖康元年臣僚言天下安兵之精無如福建槍仗手出入輕捷馭
得其術一可當十乞選官前去召募從之 建炎三年六月詔令

福建初募於仗手五十人專一備東西捕盜每百人差部轄一名
有功先次借補進武校尉 紹興五年福建帥司乞將福建繫籍

槍手並行蠲放從之
江西槍仗手 熙寧七年詔籍虔汀漳三州鄉丁槍手以制置盜

賊司言三州壤界嶺外民喜販鹽且為盜非土人不能制故也
元豐二年詔處州槍仗手五百三十六人撫州建昌軍鄉丁關軍

槍仗手各千七百七十八人為定額每歲農隙按閱武藝以備姦
盜 七年兵部言江西槍仗手以八千三十五人為額

河東陝西勇敢効用 亦募兵也 涇原路經畧使蔡挺言涇原

勇敢三百四十四人季一點閱校其騎射能否并除補有功者以
為隊長募極邊塞博軍子嘗歷戰陣者補其闕益募熟戶蕃部以

為蕃勇敢凡一千三百八十八人騎一十一百九十四疋詔諸路
如挺請施行之 六年樞密院言勇敢効用皆以材武應募從軍

廩賜既優戰馬式械之具皆出公上平時又得以家居以勞効賞
者凡四補而至借職校弓箭手減十資淹速相遠甚非朝廷第功

均賞之意請自今河東鄜延秦鳳環慶熙河路各以三百涇原路
五百為額第一等步射弓一石一斗馬射弓九斗奉千錢第二等

以下遞減一斗奉七百至五百季首閱試於經畧司射親及野戰
中者有賞全不中者削其奉次季又不中者罷之戰有功者以八

等定賞一給公據一以為隊長三守關軍將四軍將互殿待六三

班借差七差使八借職其弓箭手有功亦以八等定賞一押官丞
局二將震將十將三副兵馬使軍使四副指揮使五都震候六都
指揮使七三班差使八借職即以關排連者次遷如令詔可仍頒
之諸路

番兵者塞下內屬諸部落團結以為藩籬之兵也西北邊羗戎種
落不相統一保寨者謂之熟保餘謂之生戶陝西則秦鳳涇原環
慶鄜延河東則石隰鄜府其大首領為都軍主司帳已上者為軍
主其次為副軍主又有以功次補者其官職俸給有差 康定二
年陝西體量安撫使王堯臣言涇原路熟戶萬四百七十餘帳帳
之首領各有職名曹瑋帥本路威令明著常用之平西羗其後邊
備稍懈守將惟務姑息寢成驕黠自元昊反戎軍及渭州山外皆
被侵擾近界熟戶亦遭殺虜番族之情最重酬賽因此疊障激恣

之可復得其用請遣人募首領願效用者籍姓名并士馬之數及
千人聽自推有謀勇者一人授以班行及巡檢之名使將領出境
破蕩生戶所獲財畜官勿檢覈得首級及傷者給以賞物仍依本
族職名補遷及增俸錢詔如所請慶曆二年知青澗城种世衡奏
募蕃兵五千涅右虎口為忠勇亭隸折馬山族上封者因請募屬
戶給禁廩賜使戍邊悉罷正兵下其章四路安撫使議環慶路范
仲淹上言熟戶戀土田護老弱牛羊遇賊力鬪可以藩蔽漢戶而
不可倚為正兵大率蕃情黠詐畏強凌弱常有以制之則服從可
用如去正兵必至驕蹇又今蕃部都虞候至副兵馬使俸錢止七
百至三百悉無衣廩若長行邊得禁軍奉給則蕃官必生徼望况
歲罕見敵何用長與廩給且錢入熟戶部族資市羊馬青鹽轉入
河西亦非策也以臣所見不若遇有警旋以金帛募勇猛禦賊為

便議遂格 治平二年詔陝西四路駐泊兵馬鈐轄梁寔等各管
 勾本路蕃部團結強人壯馬預為經畫寇至則令老弱各有保存
 之所仍諭寔等往來族帳受其牒訴伸其屈抑察其反側者羈縻
 之勿令猜阻以萌邊釁寔等至蕃部召酋領稱詔犒勞責以銀帛
 城寨兵馬計族望大小分隊伍給旗幟使合繕堡壘人置器甲以
 備調發仍約不如令下不集押隊首領以軍法從事 秦鳳路寨
 十三強人四萬一千一百九十四壯馬七千九百九十一 鄜延
 路軍城堡寨十蕃兵一萬四千五百九十五官馬二千三百八十
 二強人六千五百四十八壯馬八百十 涇原路鎮寨城堡二十
 一強人一萬二千四百六十六壯馬四千五百八十六為百十甲
 總五百五隊 環慶路鎮寨二十八強人三萬一千七百二十三
 壯馬三千四百九十五總一千一百八十二隊 治平四年郭遵

言秦州青鷄川蕃部願獻地請於川南牟谷口置城堡築寨弓箭
 手以通秦州德順二州之接斷賊入寇之路閏三月收原州九寨
 番官三百八十一人總二百二十九族七千七百三十六帳蕃兵
 萬人馬千疋是歲罷四路內臣主蕃部者選逐路陞朝使臣諳練
 蕃情者為之 熙寧元年議者謂熟羌乃唐設三使所統之党項
 也自遷賊不臣種落叛散分寓南北為首領者父死子繼兄死弟
 襲家無正親則又推其旁屬之強者以為族首多或數百雖族首
 年幼第其本門中婦女之令亦皆信服故國家因其族以為法其
 大首領上自刺史下至殿侍並補本族巡檢次首領補軍主指揮
 使下至十將第受廩給歲久客族帳混淆莫紀康定中嘗遣將偕
 籍之今踰三十年主家或以累降失其先職族首名品而客戶或
 以功使臣軍班超處主家之上軍興調發有司惟視職名使號令

其部曲而衆心以非主家莫肯為用請自今蕃官身歿秩高者子孫如例降等以為本族巡檢其旁邊能捍賊者給奉遠邊者如舊制限以歲月其已降等或三班差使殿侍身歿無等可降者其子孫不降充軍主指揮使者即以為殿侍如此則本族蕃官名品常在或其部曲立功當任官者非正親母得為本族巡檢止增其奉其軍主至十將祖父有族帳兵騎者子孫即承其舊限年受廩給極邊及立功者不用此令如此則熟羗之心皆知異日子孫不失舊職世為我用矣從之 五年王韶初納沿邊蕃部自洮河武勝軍以西至蘭州馬御山洮民巖壘等州凡補蕃官首領九百三十二人首領給殮錢蕃官給奉者四百七十三人月計費錢四百八十餘緡得正兵二萬族帳數千時韶拓熙河地千二百里招附三十餘萬之衆漸推文法變其夷族然韶所募勇敢士九百餘人耕田百頃坊三十餘所部蕃既得為漢而其俗又賤土貴貨漢人得以貨與蕃部易田蕃人得貨兩得所欲而田疇墾殖通蕃漢為一其勢易以調御請如諸路以錢借助收息又捐百餘萬緡養馬於蕃部且什伍其人獎勵以武藝使其人民富足士馬強盛奮而使之則所向可有功蕃部初附如洪荒之人唯我所御而已 七年韶言討平河州叛蕃關土甚廣已置弓箭手又以其餘地募蕃兵弓箭手每寨三指揮或至五指揮每指揮二百五十人人給田百畝以次蕃官二百畝大蕃官三百畝仍募漢弓箭手為隊長稍衆則補將校暨蕃官同主部族之事其蕃弓箭手並刺蕃兵字於左耳以防漢兵之盜殺而效首者詔如其請 八年五月詔李承之參定蕃兵法十一月詔選陝西蕃兵丁壯戶九丁以上取五六取四五取三三取二二取一並年二十以上涅手背毋過五丁每

文獻卷百五十六
十人置十將一五十人置副兵馬使一百人置軍使一副兵馬使
一二百人置軍使一副兵馬使三三百人置副指揮使一軍使二
副兵馬使三四百人加軍使一副兵馬使一五百人又加指揮使
一副兵馬使一過五百人每百人加軍使一副兵馬使一即一族
三十人以上亦置副兵馬使一不及二十人止置十將月受俸仍
增給錢指揮使二千五百至十將有差

熙河等路制置使李憲言漢番兵騎雜為一軍語言不通居處飲
食悉不便利昔李靖以蕃落自為一法請釐蕃漢為兩軍相參號
令軍事從之 元祐元年臣僚言舊制諸路蕃官不問官職高卑
例在漢官之下所以尊中國制夷狄也行之既久今忽更制蕃漢
官非相統轄者並依官序相壓即邊上使臣及京職官當蕃官之
下者十有八九非人情所堪且夷狄兇驕豈可輒啓宜悉依舊制

並列漢臣之下從之

神宗熙寧二年詔諸揀不任禁軍者降充廂軍不任廂軍者免為
民詳見兵制門

七年分天下兵為九十二將各總其兵詳見兵制門

樞密院言京城役兵不足歲取於諸路而江淮兵每饑凍道斃相
屬畧計歲所用外軍七千人調發增給不貲請募東西八作司壯
役指揮諸司雜犯罪人情輕者並配隸以次補雜役効役代諸路
役兵從之又言諸路廂軍名額猥多自騎射至牢城其名凡二百
二十三其間因事募人團立新額或因工作權酤水陸運送通道
山險橋梁郵傳馬牧堤防堰埭若此者事在而名未可廢及剩負
直牢城皆待有犯配隸之人壯城專治城隍不給他役別為一軍
而教閱廂庫亦自為額請以諸路不教閱廂軍併為一額餘從省

廢其移併如禁軍法奏可遂下諸路轉運司以州大小高下為序始自某州為第一指揮差次至某州九為若干指揮每指揮毋過五百人

自五代無政凡國之役皆調於民民以勞敝宋有天下悉役廩軍凡役作工徒營繕民無與焉故天下民力全固至今遵之

元豐四年詔升南京青鄧鄆曹齊濮州有馬教閱廂軍及真定北寨勁勇環州下蕃落未排定指揮並為禁軍

河北路騎軍之額自騎射而下十有一步軍之額自奉化而下二十有六並改號曰崇勝凡為一百一十二指揮總二萬九千二百七十人

河東路騎軍之額自威邊而下二步軍之額自左衛而下十有八並改號曰雄猛凡為五十二指揮總一萬二千四百一十人

陝西路騎軍之額自騎射而下有六步軍之額自左衛而下二十有九並改號曰保寧凡為一百一十一指揮總二萬五百六十二人

京東路騎軍之額自騎射而下有三步軍之額自左衛而下十有七並改號曰奉化凡為五十四指揮總一萬四千七百五十人

京西路騎軍之額自騎射而下六步軍之額自奉化而下二十有五並改號曰勁武凡為四十五指揮總一萬五千一百五十人

淮南路騎軍之額自威邊而下六步軍之額自左衛而下二十有七並改號曰寧淮凡為一百二指揮總四萬一千二百八十五人

兩浙路步軍之額自捍江而下三並改號曰崇節凡為五十一指揮總一萬九千人

江南路騎軍之額棟中騎射一步軍之額自勁勇而下五並改號

曰効勇凡為五十三旨揮總一萬六千六百五十人

荆湖路騎軍之額自騎射而下三步軍之額自左衛而下二十並

改號曰宣節凡為四十四旨揮總一萬一千三百人

福建路步軍之額自水軍而下三並號曰保節凡為三十三旨揮

總一萬一千一百五十人

廣南路騎軍之額自靜山而下二步軍之額自水軍而下十並改

號曰清化凡為八十二旨揮總一萬二千七百人

四川路步軍之額自開遠而下十並改號曰克寧凡為一百一十

一旨揮總二萬三千四百人

元符元年九月詔罪人應配五百里以上皆配陝西河東充廂軍

曾布白帝曰此漢徙罪人以實邊之道法也

政和四年中衛大夫童師敏奏切見東南州郡例闕廂軍凡有沒

使並是逐急和顧於理未便欲望旨揮諸郡守臣并提刑司措置

招填數足庶免逐急顧人之費從之

高宗紹興二年詔戍兵於本州知通依階級法

言者請今後統兵官經由州縣如此駐法從之

中興後熙寧所置將兵在東南者纔十三將淮南東路第一淮西

路第二兩浙西路第三浙東路第四江南東路第五江西路第六

荆湖北路第七湖南南路第八而全邵永三州準備廣西應援第九

福建路第十廣南東路第十一廣西路桂州第十二邕州第十三

慶元令諸廂軍隸尚書兵部因事立名者隨事所屬

錢監隸工部河清橋道廣濟隸水部
青石場採造務司竹監隸虞部之類

建炎以來朝野雜記四川廂軍二萬九千七百七十二人禁軍二萬

七千九百九十二人七兵一千八百三十六人記上係義士二

萬六百五十二人

興元府興洋州大安軍

保勝

金

忠勝

文

忠勇軍

階成西

弓箭手

階西和

良家子共六千三百九十九人

已上係

保甲五萬

五千一百七十人

關外

凡民兵優恤之制義志忠勝軍免家業

錢百五十千至二百千止

一家雙名則更免五十千

忠勇軍則階州免家業

錢

馬軍二百三十千

成州免稅賦

馬軍二頃半

西和鳳州皆免

租

馬軍六石九斗八升

其更戍則月給糧人七斗有半

階西

保勝軍亦免家業

其大較也大率西蜀大軍願禁軍民兵保甲總二十三萬三百

六十四人仰給縣官者十四萬餘人而民兵保甲不仰給者八

萬餘人此乾道之籍也淳熙以後土丁亦有仰給者別出千後

成都禁軍謂之飛山軍驕懦最甚紹興末王時亨為制帥取會

四川禁軍之籍二萬九千餘人除利夔兩路禁軍分處涪涪城

寨外東西路一萬九千餘人內棟到五千五百七十三人謂之成

也事平

復罷

土豪 建炎四年臣寮言朝廷近起鄉兵防江召募土豪乞責守

臣止使各保鄉井詔依仍詔各聽本州縣守令節制將來防托無

虞當議推恩 紹興四年十一月密院言浙西沿江見在土豪民

兵無補事功詔存留強壯餘並放散

八字軍河北土人也建炎初王彥為河北制置使聚兵太行山皆

涇其面曰誓殺金賊不負趙王故號八字軍 二年前命范瓊往

山東擊虜瓊請彥與俱已而彥以疾留真州瓊并將其兵瓊誅復

以兵還彥時彥為御營都統制既而彥以八字軍隨張浚宣撫川

陝六年彥召為行營前護副軍都統制以所部八字軍萬人赴行

在與馬帥解潛不叶兩軍交鬪中外洶洶詔兩罷之以劉錡領馬

司軍事并王解兩軍屬之 十年錡為東京副留守將八字軍以

行至順昌會金人兀朮入寇錡大敗其師 十一年復還姑孰七月錡罷為荆南帥其衆復還臨安府今侍衛馬軍皆其子孫也

義兵 紹興十年密院言公准制使劉錡中陳蔡兩州團結鄉兵保聚委是忠義今以朱昌熾成充義兵將領團集詔依 三十一年淮南官莊秉義郎陳順忠訓郎車定方糾集義兵九百人自備器械不支官俸可以守禦詔各轉官資 乾道四年參政陳俊卿言兩淮民兵乞令諸州以戶口多寡三丁取強壯一名籍為義兵於農隙授之弓弩教之戰陣給以錢糧詔依

變路義兵 紹興末帥臣李師顏於夔州三縣保甲中選置立七實職次分上下邑軍名團結初議摘禁軍時梁山守臣言夔環萬山民勇過於正軍乃募鄉方元額三千四百餘人師顏既去軍無紀律大抵夔路禁涪忠萬四州皆有義軍額或數千而施黔有勇敢及思珍田楊等家丁悉曉勇皆鄉兵云

義士 紹興元年興元府帥王庚以富平兵敗後籍興元諸縣良家子弟兩丁取一與免下戶物力錢二百千每二十人為一隊號曰義士以縣令為軍正尉副之守臣提舉不半年有兵數萬教閱有方則令尉改秩張浚言于朝其後合梁洋大安三郡至萬三千人軍勢遂張三十一年戰于大散關驅在軍前為虜人所敗僅存六千人 乾道元年悉罷之除籍放散其衆 三年四川宣撫虞允文言興洋大安軍見管義士二萬六千一百四十人訓練有功成效乞移皇甫偁於興元軍專一教閱從之

民兵 建炎三年御營參議官柳約奏準旨沿江地分須是民兵每五十人為一隊有長副以田括丁一戶抽一丁五丁抽二丁官戶不免輕重不等科擾太重乞量立刑賞委官檢視如有老弱則

令舉劾詔依 六年詔立兩淮民兵賞格淳熙十四年九月令湖北京西措置民兵三丁取一

弓箭手 建炎元年赦應諸路蕃漢弓箭手合該承襲人因差使出入事故陳乞違限限百日自陳承襲 紹興九年京城副留守

郭仲荀乞將京城外閑地依陝西沿邊例招弓箭手種時詔依之十年詔據見田招刺不拘舊額

黎雅州土丁 集沿邊農人火甲戶為之蓋唐雄邊子弟之遺法舊無行陣軍伍但以甲頭總之 祖宗以來弛酒禁免征役凡優

卹之者無所不用其至黎州自乾道七年邊釁之後始置寨將押隊旗頭之類畧寓軍制每歲農隙時官給口食教之武事舊制凡

千人淳熙三年祿粹父直閣為守請倍其數又以等級籍其少壯者月給以錢九年春言者乞下黎州列立優卹土丁之日守臣龔

總始奏以五十二人為一隊每邊二十隊計千四十八人三邊共二千一百二十人置教場四十九所是時三邊土丁之籍實為五千

一百二十六人而東南邊防托印一千七百八十七西南邊防托吐蕃一千二百九十一正西邊防托五一千九百四十八凡上等

青羌等族一千五百九十九人歲費錢三萬八千三百七十有六緡每人月一千五百七十四緡而戍兵不與議者謂土丁粗有軍律統紀且

熟知夷人情偽地形險阻其寔可用為鄉導守邊鎮言者乃乞將黎雅二州依利路義士法措置留丞相為制置使遣屬官馮傳之

往二州共議各州選二千入上等六百為點集之丁月給錢三千五百次等千四百為居守之丁月給錢千兩郡歲費錢共八萬七

千六百緡而教閱之費不與焉時淳熙十年矣嘉定土丁者惟峨眉犍為二縣有焉自熙豐以來峨眉八寨千四百八十八人犍為五

案之籍二百七十五官既無以給之而又多為塞官所剋紹興十三年有言於都鈐轄司者謂宜教試而優恤之時方諱兵迄不能用也威茂州亦有土丁各州二百威州之丁月給米三斗驍捷可用夷人亦畏之茂州之丁半市人無月給半有為夷人庸耕者蓋二郡皆斗入夷腹中無省地茂州每合教則土丁悉從夷人假衣甲器械以為用事已復歸殊為文具

把截將 紹興二十七年夔路安撫使奏南平軍夷透漏入恭州舊以土丁為把截詔帥臣相度請以清溪寨土丁逐名家業錢多少均定合置土丁二百名內選有勇為把截將依例支給破請受從之

保勝 紹興六年密院言金均房三州保甲後稱保勝三州安撫柴武措置結為隊伍分成五軍詔依 二十九年開蓬州安撫王彥申保勝三千屢立戰功錢糧不足乞依正軍破支口券從之

勇敢 紹興二年知池州葉煥申招土人充守禦勇敢乞依禁軍請給以二千人為額從之

山水寨 紹興四年承楚恭三州各有水寨民兵合力擊賊詔免十年租稅
三十一年中丞汪澈乞存恤淮南山水寨鄉豪各收其用 隆興元年臣僚言乞行下都督府專委兩淮守臣各括青山水寨首領姓名保明來上量補官資專一哀集鄉兵俾之團結明立賞格一有緩急入城守禦荆襄邊郡亦乞行下制置司依此施行詔江淮都督府湖北京西制置司措置二年十二月十日德音赦楚滁濠廬光州盱眙光化軍管內并揚成西和襄陽德安府信陽高郵軍應州縣山水寨首領自備錢糧糾集把隘或戰聞之功仰逐州軍

守臣保明申省取旨推恩乾道五年九月辛酉兩淮徐子寅言得旨將本路諸州山水寨民兵應三丁以上選壯丁赴州教一月從之淳熙初子寅上其數弓一萬六千九百八十八人弩手凡一千四百二十五明年秋提舉張宗元與子寅分路提督宗元奏每郡以土豪見任官一員統轄月增給人三十自十月下旬始州帥司教二月淮東五郡用錢十六萬米三萬石淮西倣此惟光黃濠楚安豐盱眙七郡但就本州教閱犒設錢減半

萬弩手 紹興元年沅州奏熙寧末始創營田鼎澧辰沅靖置弓弩四千入靖康調發不存乞以閑田募民承佃招弓弩手二千人從之

八年詔淮東西湖北京西汾江民兵萬弩手農隙教閱有武藝超越人材智勇可以服衆者本司抽試具名申省以憑覆試推恩

淳熙二年淮南運判張士元言盧舒和蘄州無為軍五州民兵弩手教閱兩月合用錢十六萬一千餘貫乞行科降從之

壯丁民社 乾道四年知楚州劉舜謨言兩淮舊有壯丁民社乞依陝西弓箭手法並免戶下苗田兩項從之

良家子 紹興四年宣撫吳玠始創興元府良家子招兩淮關陝流寓及陣亡主兵將子弟驍武不能存立者充月給比強弓手五十人為一隊休兵之後數月消滅

乾道六年本路帥臣復招募人材及五尺二寸弓力及九斗通者將傳習將條法練習弓馬者充有官人省司月給米麥各一石帥錢十五千無官人緡錢減三之一依義士法隸帥司御前統兵官不得與及王剛中為宣撫抽帳前良家子還宣撫司淳熙之初宣撫司廢後屬帥司籍二百人歲管錢二萬四千米管四千八百石

實無所用但充雜役

紹興五年二月庚子楊嗣勳申嚴鹽計奏本府自有義士願禁軍良家子無所損益請罷鹽店六所而以良家子隸都統司

義勇 紹興中鄂州七縣主家戶六萬六千三百三十一萬四千八百九十四而民兵之籍總為萬五千二百有一人岳州義勇之籍四千四百九十九人四邑保伍九百三十五甲計二萬八千五百九十三人大抵荆鄂岳三郡率五家供一兵焉三十一年虜亮寇江詔淮漢等郡籍民為兵時荆南守續感乃請籍民為義勇其法取於主戶之雙丁每十戶為甲五甲為團甲皆有長擇邑豪為總首歲於農隙教以武藝糧從官給初乾道間與荆南七州之籍主客佃戶凡四萬二千餘戶計十萬餘丁除當差役人外得義勇八千四百十九人四年荆湖安撫王炎言荆湖義勇團

集使之自備食用必不能辦乞截留本所苗米萬四千石并曹

應副錢二萬緡仍從都統司假甲三千弓矢旗幟官為造紹貴從

之六年二月辛亥帥司劉珙言荆南湖北兩路民兵訪聞諸郡起籍民兵有上三等戶取義勇一人亦有四等五等戶取一家產多者可以技梧少者往往棄產逃走乞充義勇者並免科役及身丁口四等戶仍差充保正長五等戶又免三分稅役每七十五人為一隊遇教閱日以營屯田之穀供其費奏可仍以甲萬副與之是年九月權知荆門馮忠嘉奏本軍所教義勇三千五百四十八人教閱各一月乞添展教之三月詔令劉珙相度申省七年正月馮忠嘉又教閱本軍義勇因舊籍增補三百人又籍戶馬得四百疋分為六隊 孝宗大喜詔總領所歲以馬料千石給之仍擢忠嘉直秘閣淳熙初張栻為帥遵修劉珙之法義勇曾多至萬五百人

分為五軍軍分五部抵既去教法浸弛十一年冬趙雄為帥舉得其政增三百人通舊為萬三千八百人大抵湖北諸郡皆有義勇信陽有義勇又有義士惟澧州石門慈利不置籍紹興末守臣亦籍之章穎帥湖北時又乞義勇之應差保正者以家業錢多寡為限限外之數與官戶編戶輪差從之

忠勇 淳熙五年四川制使胡元質言關外西和階成鳳四州所聚民兵謂之忠勇皆以土兵為之向來虞允文團結四川忠勇軍計二千九十四人其後不能增募乞令四州守臣添募仍立賞格詔每州各先募五百人

鎮淮 初淮南運司招募邊民號鎮淮軍多至十萬錢米月給視効用惟不黠涅久之稟給不足公肆劫掠嘉定初江淮制置立密恐其生變乃以分隸諸州聽守臣節制續又奏淮東人數少

帥漕選汰歸農外僅存八十餘人其半以充効用又補鎮江人軍與武鋒軍闕額淮西六萬餘人委官揀到二萬六千餘人充御前定武軍額分為六軍各置統制自是月省錢二十八萬緡米三萬四千石而定武亦成軍伍淮西賴其力居多

懲義民兵 紹興二十八年福州帥臣沈調言諸縣舊有忠義社隨鄉多寡屯結推豪右衆畏服者為長別量置槍杖器甲盜由是息民賴之後官司科率搔擾遂失本意令守臣覺察憲司舉職肯從其請開禧用兵淮襄忠義民兵有籍于官者甚衆歲約用百六十緡以養一兵及和義再成始汰遣時帥臣立密先已汰雄淮軍五六萬何澹繼為制帥始盡放遣澹言本司近放散廬濠州忠義二萬五百八十六人各令歸業雖費錢三十二萬七千餘緡米六千餘石而每歲却省錢二百十三萬米十一萬三千石有田之久

文獻通考卷一百五十六
預於江南經營牛種無田之人多入城市開張店業此乃本司幹
官徐勇躰國任事之力詔勇特遷一官時二年四月戊子乙其年
六月辛卯京湖制置李大性言昨者大臣創招軍額團結忠義休
兵之後依舊支請糜費廩給已放散計二萬九千二百一十三人
詔獎諭繼而江淮盜起言者謂皆前日放散之卒請罷勇攝郡追
所遷官旨從之時疎汰民兵無歸多散為盜大性乃命每郡擇豪
首一人授以官兵使之彈壓其後餘黨始皆帖然

文獻通考卷一百五十六

文獻通考卷之一百五十七

宋儒 鄱陽 馬 端臨 貴與 著

兵考

教閱

周禮大司馬中春教振旅司馬以旗致民平列陳如戰之陳辨鼓
鐸鈎鐃之用王執路鼓諸侯執賁鼓軍將執晉鼓師帥執提旅帥
執鞀卒長執鐃兩司馬執鐸公同馬執錡以教坐作進退疾徐跪
數之節遂以蒐田有司表貉誓民鼓遂圍禁火弊獻禽以祭社中
夏教芟舍如振旅之陳群吏撰車徒讀書契辨號名之用帥以門
名縣鄙各以其名家以號名鄉以州名野以邑名百家各象其事
以辨軍之夜事其他皆如振旅遂以苗田如蒐之法車弊獻禽以
享初中秋教治兵如振旅之陣王載太常皆侯載於軍吏載旗師

若載檀鄉遂載物郊野載旒百官載旗各言其事與其號焉其他
 皆如振旅遂以彌田如蒐田之法羅弊致禽以祀初中冬教大閱
 前期群吏戒衆庶脩戰法虞人萊所田之野為表百步則為三表
 又五十步為一表田之日司馬建旗于後表之中群吏以旗物鼓
 鐸鑼鏡各帥其民而致質明弊旗誅後至者乃陳車徒如戰之陳
 皆坐群吏聽誓于陳前斬牲以左右徇陳曰不用命者斬之中軍
 以鞶令鼓鼓人皆三鼓司馬振鐸群吏作旗車徒皆作鼓行鳴鑼
 車徒皆行及表乃上三鼓旆鑼群吏弊旗車徒皆坐又三鼓振鐸
 作旗車徒皆作鼓進鳴鑼車驟徒趨及表乃止坐作如初遂以待
 日以旗為左右和之門群吏各帥其車徒以叙和出左右陳車徒
 有司平之旗居卒間以分地前後有屯百步有司巡其前後險野
 人為主易野車為主既陳乃設驅逆之車有司表貉于陳前以宣

以擊令鼓鼓人皆三鼓群司馬振鐸車徒皆作遂鼓行徒銜校而
 進大獸公之小禽私之獲者取左耳及所弊鼓皆駭車徒行讒徒
 乃弊致禽饁獸于郊入獻禽以享烝以土註並是田

臧僖伯曰春蒐夏苗秋獮冬狩蒐索擇取不以殺為名苗除

氣也狩圍守也冬物畢成獲則取之無所擇也皆於農隙以講事也各隨時三年而

治兵入而振旅雖四時講武猶復三年而大習出曰治兵始

衆也歸而飲至以數軍實飲於廟以數車徒昭文章旌旗明

貴賤辨等列等列順少長則在後所謂順也習威儀也

魯桓公六年大閱公羊曰大閱者何簡車徒也大簡閱兵車

習之何以書蓋以罕書也此年簡徒謂之蒐三年簡車謂之

曰大閱者何閱兵車也脩教明諭國道也平而脩戎事非正也

禮因四時田獵以習戎事平謂不因田獵無事而修之

莊公八年正月師次于郎甲午治兵而凍蔡不至矣師次于郎以侯陳人

蔡人兵事以嚴終故曰善陳者不戰此之謂也善為國者不戰師及道

齊禮鄰國望之為歡善師者不陳師素嚴不善陳者不戰陳

如親戚何師之為善戰者不死投兵勝地善死者不亡民盡其命無

敵望而畏之公羊祠兵者何出曰祠兵入曰振旅其禮一也皆習戰也

莫敢與戰楚子將圍宋使子文治兵於睢子文時不為令尹故使之治終

朝而畢不戮一人行王文欲萎重於子玉復治兵於蔿為楚終日

而畢鞭七人貫三人耳國老皆賀子文子文飲之酒賀子玉

賈尚幼後至不賀子文問之對曰不知所賀子之傳政於子玉

曰以靖國也靖諸內而敗諸外所獲幾何子玉之貶子之舉也

舉以敗國將何賀馬子玉剛而無禮不可以治民過二百乘其

不能以入矣苟入而賀何後之有三百乘二萬人

晉文公蒐于被廬作三軍元平晉獻公作二謀元師趙盾曰

卻縠可臣亟聞其言矣說禮樂而敦詩書詩書義之齊也禮樂

德之則也德義利之本也君其試之乃使卻縠將中軍卻縠佐

之使狐偃將上軍讓於狐毛而佐之毛偃命趙衰為卿讓於欒

枝先軫使欒枝將下軍先軫佐之荀林父御戎魏犢為右

漢承秦制三時不講唯十月車駕幸長安水南門會五營士為八

陣進退名曰乘之

武帝太初二年令天下媿五日如淳曰立秋驅虜伏犧曰媿音劉

劉義各通耳漢儀註云立秋之日斬牲於郊制常以九月都試太守都尉令長丞相會都試課殿最

延壽為東郡太守都試騎士治飾兵車畫龍虎朱爵延壽黃袍

方領駕四馬傳總建幢檠植羽葆鼓車歌車功曹引車皆駕四

通考卷一百五十七
馬載染戟五騎為伍分左右部軍假司馬千人持幢旁鼓歌者
先居射室望見延壽車噉咷楚歌延壽坐射室騎吏持戟夾陛
列立騎士從者帶弓韃羅後令騎士兵車四面營陳被甲鞬鞞
君馬上抱弩負蘭又使騎士戲車弄馬盜騾及治飾車甲三百
萬以上於是蕭望之劾延壽上僭不道坐棄市

東漢制以立秋之日自郊禮畢始揚威武斬牲於郊東門以薦陵
廟其儀乘御戎路白馬朱鬣躬執弩射牲牲以鹿麋太宰令謁者
各一人載獲車駟送陵廟還宮遣使者齋束帛以賜武官武官
肄兵習戰陣之儀斬牲之禮名曰驅劉兵官皆肄孫吳兵法六十
四陣名曰乘之立春遣使者齋束帛以賜文官驅劉之禮祠先虞
執事告先虞已烹鮮時有司乃遂巡躬牲獲車畢有司告事畢
明帝永平元年六月初令百官驅牖

安帝延光二年十一月校獵上林苑

安帝初鄧太后臨朝俗儒世士以為文德可興武功宜廢遂寢
蒐狩之禮息戰陣之法故搢賊縱橫乘此無備馬融以為文武
之道聖賢不墜五才之用無或可廢元初二年上廣成頌以諷
諫依舊文重述蒐狩之義作頌一篇并封上

靈帝中平五年望氣者言以為京師當有大兵兩宮流血大將軍
同而涼假司馬伍岩說大將軍何進曰太公六韜有天子將兵事
可以威厭四方進以為然入言之於帝於是乃詔進大發四方兵
講武於平樂觀下起大壇上建十二重五采華蓋高十丈壇東北
為小壇復建九重華蓋高九丈列步兵騎士數萬人結營為陳天
子親出臨軍駐大華蓋下進駐小華蓋下禮畢帝躬擐甲入焉稱
無上將軍行陳三市而還詔使進領兵屯於觀下是時置西園八

校尉以小黄門蹇碩為上軍校尉虎賁中郎將袁紹為中軍校尉
屯騎都尉鮑鴻為下軍校尉議郎曹操為典軍校尉趙融為取軍
校尉淳于瓊為佐軍校尉又有左右校尉帝以蹇碩壯健而有武
略特親任之以為元帥督司隸校尉以下雖大將亦領屬焉

帝自黃中之起留心戎事問討虜校尉蓋勳曰吾講武如是何
如對曰臣聞先王曜德不觀兵令寇在遠而設近陳不足以昭
果毅祗黷武耳

獻帝建安二十一年有司奏古四時講武按漢西京承秦制三時
不講唯十月都試金華令兵戈未偃士衆素習可無四時講武但
以立秋擇吉日大朝車騎號曰閱兵上合禮名下承漢制是冬閱

魏王曹操親執金鼓以令進退

魏文帝嗣魏王位其年秋閱兵于郊公卿相儀王御華蓋親金鼓

之節

明帝太和元年十月閱兵于東郊

晉武帝太始四年九月咸寧元年太康四年六年冬皆自臨宣武

親大閱習衆軍然不自今進退自惠帝以後其禮遂廢

東晉元帝太興四年詔左右衛及諸管教習依大習儀

成帝咸和中詔內外諸軍戢兵於南郊之場其地因名閱場自後

藩鎮相更諸方伯往往閱習然朝廷無事焉

宋文帝依故事肄習衆軍兼用漢魏之禮其後以時講武於講武

堂餘見田

後魏明帝永興五年以九月十月之親行驅劉之禮

孝成帝和平三年因歲除大難遂耀兵示武更為制令步兵陳於

南騎士陳於北各擊鐘鼓以為節度其步兵所衣青赤黑黃別為

通考卷一百五十七
部隊楛稍矛戟相次周廻轉易以相赴就有飛龍騰蛇之變為函
箱魚鱗四門之陣九十餘法跪起前却莫不應節陣畢南北二軍
皆鳴鼓角殺盡大謀各令騎將六千人去來挑戰步兵更進退以
相拒擊南敗北捷以為威觀自後以為常

後齊常以季秋皇帝講武於都外有司先萊野為場為二軍進止
之節又別犢於北陽輿駕停觀遂命將簡士教衆為戰陣之法九
為陣少者在前列長者在後其還則長者在前列少者在後長者持弓
矢短者持旌旗勇者持鉦鼓刀楯為前行戰士次之槩者次之弓
箭為後行將帥先教上日使習見旌旗指麾之蹤發起之意旗卧
則跪教士耳使習金鼓動止之節聲鼓則進鳴金則止教士心使
知刑罰之苦賞賜之利教士手使習持五兵之便戰鬪之備教士
足使習跪及行列峻泥之塗前五日皆請兵嚴於場所依方色建

旗為和門都犢之中及四角皆建五采牙旗應講武者各集於其
軍戎鼓一通軍士皆嚴備二通將士貫甲三通步軍各為直陣以
相俟大將各處軍中立旗鼓下有司陳小駕鹵簿皇帝武弁乘革
輅大司馬介冑乘奉引入行殿百司陪列位定二軍迭為客主先
舉為客後舉為主從五行相勝法為陣以應之

後周仲春教振旅大司馬建大麾於萊田之所鄉稍之官以旂物
鼓鐸鉦鏡各帥其人而致誅其後至者建麾於後表之中以集衆
庶質明偃麾誅其不及者乃陳徒騎如戰之陣大司馬北面誓之
軍中皆聽鼓角以為進止之節田之日於所萊之北建旗為和門
諸將帥徒騎序入其門有司居門以平其人既入而分其地險野
則徒前而騎後易野則騎前而徒後既陣皆坐乃設驅逆騎有帥
表格於陣前以太牢祭黃帝軒轅氏於狩地為犢建二旗列五兵

於坐側行三獻禮遂蒐田致禽以祭社仲夏教養舍如振旅之陣
遂以苗田如蒐法致禽以享初仲秋教練兵如振旅之陣遂以獮
田如蒐法致禽以祀方仲冬教大閱如振旅之陣遂以狩田如蒐
法致禽以享烝

隋大業七年征遼東殺軍將發御臨朔宮親授節度每軍大將亞
將各一人騎兵四十隊隊百人將一人置一纛十隊為一團團有偏
具裝青纛佛建後纛旗第二團纛綠連珠甲纛文具裝赤纛佛
建纛綠旗第三團白纛連明光甲纛具裝素纛佛建纛邪纛第四
團烏纛連玄甲纛各十八具裝建六駭旗前部鼓吹一部大鼓小鼓
及鼓長鳴中鳴等各十八具其細鼓金鈺各二具後部鏡吹一部鏡
二面歌籥及笛各四具節鼓一面又步卒八十隊分為四團團有
偏將一人第一團每隊給青纛一第一團每隊烏纛一長
梁指弩及甲牝受降使者一人給二馬輜車一乘白獸幡及前每
等各類兵數承詔慰撫不授大將制戰陣則為監軍軍將發候大角一通步卒

第一團出營東門東向陣第二團出營南門南向陣第三團出營
西門西向陣第四團出營北門北向陣陣四面團然後諸團嚴駕
立大角三通則鏡鼓俱振第一團引行隊間相去各十五步次第
二團次前部鼓吹弓矢一隊合二百騎建蹲獸旗砲架二張大將
在其次韃馬二十疋次大角次後部鏡吹次第四團次受降使者
次及輜重戎車散兵等亦有四團第一輜重出收東面陣分為兩
道夾以行第二輜重出收南面陣夾以行第三輜重出收西面陣
夾以行第四輜重出收北面陣夾以行亞將領五百騎建騰豹旗
殿軍後至營前第一團騎陣於東面第三團騎陣於南面鼓翊大
將軍居中駐馬南面第三團騎陣於西面第四團騎陣於北面合
為方陣四面外向步卒翊輜重入於陣內以次安營定四面陣者
引入營亞將率驍騎遊奕督察其安營之制以車外布間設馬槍

次施兵幕內安雜畜事大將亞將等就牙帳馬步陣與軍中散兵
 交為兩番五日而代於是每日遣一軍發相去四十里連營漸進
 二十四日續發而盡首尾相繼鼓角相聞旌旗亘九百六十里天
 子六軍次發兩部前後先置又亘八十里通諸路合三十軍亘千
 四十里諸軍各以帛為帶長尺五寸闊二寸題其軍號為記御營
 內者合十衛三臺五省九寺並分隸內外前後左右六軍亦各題
 其號不得自言臺省王公以下至於兵馬私隸悉以綴于衣領各
 軍記帶諸軍並給備數百有餘事使人交相去來執以行執備而
 離本軍者他軍驗記帶知非本部兵則所在斬之

唐太宗嘗引諸衛將卒習射於顯德殿

詳見兵制

高宗顯慶二年十一月講武於渰水之南行三驅之禮設次於尚

書臺以觀之

漢南郡太守馬融講尚書於其他因以得中後改講武臺

五年三月八日又講武於并州城北上御飛閣群臣臨觀之左衛
 大將軍張弼師為左右驍武等六衛左羽林騎士屬焉左武侯大
 將軍梁建方為右軍左右威領武侯等六衛右羽林騎士屬焉一
 鼓而誓衆再鼓而整列三鼓而交前左為曲直圓銳之陣右為方
 銳直圓之陣三挑而五變步退而騎進五合而各復位

武太后聖曆二年欲以季冬講武有司請延至孟春王方慶上疏
 曰謹按禮記月令孟冬之月天子命將帥講武習射御角力此乃
 三時務農一時講武蓋王者常事安不忘危之道也孟春之月不
 可以稱兵者兵金也金性克木春盛德在木金氣以害盛德逆生
 氣孟春行冬令則水潦為敗雪霜大摯首種不久按蔡邕月令章
 句太陰休少陽尚微而行冬令以導水氣故水潦至而敗生物也
 雪霜大摯摧傷者也太陰干時雨雪而霜故傷首種

種謂宿麥也麥以秋種故

謂之首種入收也為五寒所傷故今孟春講武是行冬令以陰故
至春不長今月令首種穀非麥犯陽氣害發生之德臣恐水潦敗物雪霜損稼宿麥不登無所收
入也請至明年孟冬教習以順天道從之

文宗先天二年十月講武於驪山之下徵兵二十萬戈鋌金甲照
耀天地列大陣於長川坐作進退以金鼓之聲節之帝親擐戎服
持大槍立於陣前以勸失軍容坐兵部尚書郭元振于毒懸下將斬
之宰臣劉幽求張說跪于馬前諫曰元振推戴上皇有大功雖違
軍令不可加刑乃捨之流新州給事中知禮儀唐紹以草軍儀有
失斬之薛訥為左軍節度眾以元帥及禮官得罪諸節部頗亦失
序唯訥及解琬軍不動上令輕騎召訥等至軍門不得入禮畢特
加慰勞開元禮皇帝講武儀註

仲冬之月講武於都外前期十月一日所司奏請講武兵部承詔

緣命將帥簡軍士有司先芟萊除地為場方一千二百步四出為
和門又於其內墀為步騎六軍營域處所左右廂名為三軍皆
上軍在北中軍次之下軍在南東西相向中間相去三百步五十
步立表一行凡立五行表間前後各相去五十步為三軍進止之
節又別墀地於北廂南向為車駕停觀之處前三日尚舍奉御設
大次及御座於其中如常儀前一日講武將帥及士卒集於墀所
禁止誼譱依方色建旗為和門於都墀之中及四角皆建以五絲
牙旗旗鼓甲仗威儀悉備於墀所大將以下各有統帥如常式步
軍入將被甲胄乘馬教騎大將亦乘馬教習士眾為戰隊之法凡
教為陣少者在前長者在後其還則長者在前少者在後長者持
弓矢短者持戈矛力者持旌旗勇者持鉦鼓刀楯為前行持稍者
次之弓箭為後行將帥先教士眾習見旌旗旨麾之蹤旗目即跪

通考卷一百五十七
旗舉即起金鼓動止之節聲鼓即進鳴金即止知刑罰之害賞賜
之利持五兵之便戰鬪之備習串跪起及行列險隘之路講武日
未明一刻軍士皆嚴備五刻將士皆貫甲步軍各為直陣以相俟
將軍依儀各依格備物大將軍各依格處分軍中立於旗鼓之下
九六軍鼓各一十二証一。鑾駕出宮如常式。講武日未明七
角四並於其軍後表之下。刻槌一鼓為一嚴中嚴持節前一日侍中奏開宮殿門及城門
未明五刻槌二鼓為再嚴侍中版奏請中嚴文武官應從者俱先
置文武官皆公服所司為小駕依圖陳設未明二刻槌三鼓為三
嚴諸衛各督其隊與鈇戟以次入陳於殿庭諸侍衛之官各服其
器服諸侍臣俱詣西階下奏迎侍中負璽如式乘黃令進華輅於太極殿
前皇帝服武弁之服餘並如園丘儀駕至壇所兵部尚書介冑乘
馬牽引至講武所入自都壇北和門兩步軍之北當空南向黃門

侍即奏稱請降輅還侍位皇帝降輅入大次而觀兵部尚書停於
東廂西向三仗小退以通觀路領軍減小駕騎士立於都壇之四
周侍臣依左右廂立於大次之前東西北上文武九品以上皆公
服文武西在侍臣之外十步重行北上諸州使人及蕃客先集
於都壇北和門外東方南方立於道東西方北方立於道西皆向
輅而立於北為上駕至和門奉禮曰可拜在位者皆再拜皇帝入
次謁者引諸州使人鴻臚卿引蕃客東方南方立於大次東北南
向以西為上西方北方立於大次西北南向以東為上若有觀者
立於都壇騎士仗外四周任意然後講武諸州使人及蕃客立定
吹大角三通中軍將各以鞞令鼓二軍俱擊鼓三鼓有司偃旗步
士皆跪二軍諸帥果毅以上各集於中軍大將旗鼓之下左廂中
軍大將立於旗鼓之東西面諸軍將立旗鼓之南北面東上右廂

中軍大將立於旗鼓之西東面諸軍將立於旗鼓之南北面西上以聽誓大將誓曰今行講武以教人戰進退左右一如軍法用命有常賞不用命有常刑可不勉之誓訖左右三軍各長史二人振鐸分循以警衆諸果毅各以誓詞通告其所部遂擊鼓有司舉旗士衆皆起騎從皆行及表擊鉦騎從乃止又擊三鼓有司偃旗士衆皆跪又擊有司舉旗士衆皆起騎驟徒趨及表乃止整列位定東軍一鼓舉青旗為直陣西軍亦鼓而舉白旗為方陣以應之次南軍亦鼓舉赤旗為銳陣北軍亦鼓而舉黑旗為曲陣以應之次東軍鼓而舉黃旗為圓陣西軍亦鼓而舉青旗為直陣以應之次西軍鼓而舉白旗為方陣東軍亦鼓而舉赤旗為銳陣以應之次東軍鼓而舉黑旗為曲陣西軍亦鼓而舉黃旗為圓陣以應之凡陣迭為主客先舉者為客後舉者為主從五行相勝之法為陣以

應之每變陣二軍各選刀楯之士五十人挑戰於兩軍之前第一第二挑戰迭為勇怯之狀第三挑戰為敵均之勢第四第五挑戰為勝敗之形每將變陣先鼓而為直陣然後變從餘陣之法五陣畢兩軍俱為直陣又擊三鼓有司偃旗士衆皆跪又擊鼓舉旗士衆皆起騎從徒走左右軍俱至中表相擬擊而還每退至一行表跪起如前遂復其初侍中跪奏請觀騎軍又侍中稱制曰可侍中俛伏興二軍吹角擊鼓士衆俱進及表乃止皆如步軍唯無起跪耳騎軍東西迭為主客為相勝之陣皆如步軍之法每陣各八騎挑戰於兩陣之間如步軍法五陣畢俱大擊鼓而前盤馬相擬擊而罷遂振旅而還凡步軍二軍之士備則滿數皆則城之損益隨時唯不得減將節凡相擬擊皆不得以刃相及凡步士逐退過中表二十步而止不得過也騎士不在此例若因田狩則令講武軍士之外先期為圍觀訖

乘馬鼓行親禽如別禮符講武罷侍中跪奏稱侍中臣某言講武禮畢請還俛伏與皇帝降御輿侍衛如常儀皇帝升輅大僕御立授綬升訖勅車右升千牛將軍升輅陪乘黃門侍郎奏請鸞駕發引以下如圓丘還宮儀唯不作鼓吹不撞蕤賓解嚴訖將士各還明日群官奉祭起居如別儀

開元八年八月勅四方雖安不可忘戰故周禮以軍禁糾邦國以蒐狩習戎旅不教人戰是謂奔之宜差使於兩京及諸州簡取十萬人務求灼然驍勇不須限以蕃漢皆放番役差科唯令團伍教練辨其旗物簡其軍徒攻取進退之方陳威儀貴賤之等俾少長有禮疾徐有節將以伐叛懷服保大定功協于師貞以弘武備

肅宗至德二年八月御鳳翔府門大閱

五年正月御翔鸞閣習武白後

文宗大中六年五月勅天下軍府有兵馬處宜選會兵法能弓馬人充教練使每年依禮教習仍於其時申兵部

梁開平元年十月駕幸繁臺講武至二年七月改為講武臺按地理志

本西漢梁孝王所築謂之吹臺其後有繁氏居其側故里人呼之為繁臺

宋太祖皇帝建隆三年十一月講武于近郊六軍之容甚盛

帝每御講武殿親臨教閱其法刻木為箭鏃裹以檀剗命強者兩兩相射避即撻之取其不避者又以木挺為馬搗施韋鞞俾馳騎相擊取其尤勝者各分等級以遷隸之自是師旅皆精銳

太宗太平興國二年將伐太原詔築講武堂於西郊九月大閱上與官登而觀焉是又觀鵬山兵射連弩發機石於臺下

帝循太祖舊制親閱武藝御便坐特召上軍觀步射擊刺列為行伍或召宰相親王臨觀間亦幸殿前班閱馬射行幸池苑亦

通考卷一百五十七
兵考
十一
令諸軍衛士騎射鵠盤截柳枝或於庭中令射毛毬淳化五年
八月召天武士卒教射於殿庭弓力有至石三斗以引強平射
者為上等艱於引滿者別為一等其諸淺軟者又為一等各量
其材力而遷隸之至道元年九月又閱禁旅有挽強至一石五
斗連三十發而有餘力又令騎兵步兵各數百東西列陣挽強
數弩視其進退發矢如一容止中節上曰此殿庭間數百人耳
猶兵威可觀况堂堂之陣數萬成列者乎

真宗咸平二年八月大閱諸軍於東郊其儀最備
詔有司擇地於含暉門外之東武材為廣場乙丑夜三鼓殿前
侍衛馬步軍二十萬分出諸門丙寅上乘馬以出宗室近臣尚
書侍郎御史中丞給諫上將軍節度觀察防禦團練刺史並別
駕從賜以窄袍上至行宮諸軍陣於臺前左右相向步騎交屬

諸班衛士翼侍于臺後有司奏成列上升臺東向召從臣坐而
觀之殿前都指揮使王超執方旗以節進退又於兩陣中起候
臺相望使人執旗以應之初舉黃旗則諸軍旅拜舉赤旗則騎
進舉青旗則步進每旗動則鼓作鼓作則士進皆三挑而後退
次舉白旗則諸軍復再拜呼萬歲有司奏陣堅而整士勇而厲
欲再舉上曰可止矣遂舉黑旗以振旅軍於左者略右陣以還
由臺前出西北隅軍於右者略左陣以還由臺前出西南隅以
歸御東華門閱諸軍還營旬日近臣諸軍將校以內職皆賜飲
其後又幸飛山教場觀發機石連弩及便坐日閱召募新軍特
令習戰陣之狀率如兩朝舊規其事悉見兵志

仁宗時案閱訓練之制禁軍月奉五日以上皆日習武技三百以
下或習或給役其後別募廂軍亦閱武技號教閱廂軍戍川廣者

舊不訓練嘉祐以後稍習焉凡諸營日習之法以鼓聲為節騎兵五習步兵四習以教坐作進退非施於兩軍相當者然自祖宗已來中外諸軍皆用之明道二年樞密使王曉上言天下崩軍止給役而未嘗習以武技宜取材勇者訓練并補禁軍天子可其奏康定元年帝御便殿閱諸軍陣法上封者言諸軍止教坐作進退雖整肅可觀然臨敵難用諸自令遣官閱陣畢令解鎰以弓弩射營置弓三等自一石至八斗弩四等自二石八斗至二石五斗以次閱習詔行之陝西河東河北路是歲詔教士不祗帶金甲緩急不足以應敵自令諸軍各予鎧甲十馬甲五令迭披帶又命諸軍班聽習雜武技勿輒禁止

神宗熙寧三年初置保甲四年始詔以時肄習武事

詳見兵志門

五年詔以涇原路蔡挺衙教陣隊於崇政殿引見仍頒行於諸路

其法五伍為隊為陣陣橫列騎兵二隊亦五伍列之其出皆以鼓為節束草象人而射焉中則有賞馬步皆前三行槍刀後二行弓弩附隊以虎蹲弩床子弩各一射與擊刺迭出皆聞金即退預籍人馬之強者隱於隊中遇可用則別出為奇帝以其點閱周悉常有出野之備故令頒行

六年帝初置內教去旬一御便殿閱武技程其能否而勸沮之

元豐元年詔立在京秋校試諸軍技藝格第為上中下三等步射六發而三中為一等二中為二等一中為第三等馬射五發驟馬直射三矢背射二矢中數第如步射法弩射自六中至二中床子弩及砲自三中至一中為及等並賞銀有差槍刀并標排手角勝負計所勝第賞其弓弩墜落或縱矢不及棚或挽弓破體或苟而不張或矢不滿或弩蹠不上牙或撲不發或身倒足落並為不合

格即射已中賞餘箭不合格者降一等無可降者罷之
十一月京西將劉元上言馬軍教習不成請降補步軍又不咸降
廟軍詔下令諸軍約一季不能學者如所請降之

二年立府界集教六保長法以昭宣使入內侍省副都知王中正
東上閣門使狄諮兼提舉府界教保甲大保長總二十二縣為教
場十一所大保長凡二千八百二十五人每十人一色事藝置教
頭一凡禁軍教頭二百七十都教頭三十使臣十弓以八斗九斗
一石為三等弩以二石四斗三石七斗三石為三等馬射九斗八
斗為二等其材力超拔者為出等當教時月給錢三千日給食官
予戎械戰袍又其銀牒酒醪以為賞犒三年大保長藝成乃立團
教法以大保長為教頭教保丁為凡一都保以相近者分為五團
即本團都副保正所居聚教之以大保長藝成者十人表教五日

一周之五分其丁以其一為騎二為弓三為弩府界法成乃推之

三路各置文武官一人提舉

三年內教法格并圖其象頒行之步射執弓發矢運手舉足移步
及馬射馬使蕃槍馬上野戰格闔步用鏢排皆有法象凡千餘言
使軍士習誦焉

趙高言今欲大閱漢蕃陣隊且以萬二千五百人為法旌旗麾
幟各隨方色戰國時大將之旗以龜為飾蓋取前列先知之義
今中亦宜以龜為號其入隊旗別繪天地風雲龍虎鳥蛇天地
則狀其方圓風雲則狀其飛揚熊虎則狀其猛厲鳥蛇則狀其
翔盤之勢以備大閱而樞密院以為陣隊旗號若繪八物慮士
衆難辨且其間亦有無形可繪者遂詔大閱旗幟上依方色仍
異其形制令勿雜而已

詔樞密院曰唐李靖兵法世無全書雜見通典離析為舛又官
號物名與合稱謂不同武人將佐多不能通其意令樞密院檢
詳官與王震曾啟王白郭逢原等校正分類解釋令今可行
帝諭近臣曰黃帝始置八陣法敗蚩尤於涿鹿諸葛亮造八陣
圖於魚復平沙之上壘石為八行晉桓溫見之曰常山蛇勢也
文武皆莫能識之此即九軍陣法也後至隋韓擒虎深明其法
以授其甥李靖靖以時遇久亂將臣通曉其法者頗多故造六
花陣以變九軍之法使世人不能曉之大抵八陣即九軍九軍
者六陣也六花陣即七軍七軍者圓陣也蓋陣以圓為體方陣
者內圓而外方圓陣即內外俱圓矣故以圓物驗之則方以八
包一圓以六包一此九軍六花陣之大體也六軍者左右虞候
軍各一為二虞候軍左右廂各二為四廂軍與中軍共為七軍

八陣者加前後二軍共為九軍本朝祖宗以來置殿前馬步軍
三帥即中軍前後軍帥之別名四馬步軍都虞候是為二虞候
軍天武捧日龍神衛四廂是為四廂軍也中軍帥總制九軍即
殿前都虞候專總中軍一軍之事務是其名實與右九軍及六
花陣相符而不差也今論兵者俱以唐李筌太白陰經中所
載陣圖為法失之遠矣朕嘗覽近日臣僚所獻陣圖皆妄相眩
惑無一可取果如此輩之說則兩敵相遇必須遣使豫約戰日
擇一寬平之地仍夷阜塞壑誅草伐木如射圃教場方可盡其
法耳以理推之知其不可用也決矣今可約李靖法為九軍營
陣之制然李筌之圖乃營法非陣法也朕採古之法酌今之宜
曰營曰陣本出于一法而已止曰營行曰陣在奇正言之則營
為正陣為奇也於是八月大閱八軍於城南荆家陂已事拆

營回軍賜遂等下指揮馬步諸軍銀絹有差

哲宗元祐元年高翔上言乞依舊教閱御陣與新陣法相兼從之
元豐七年詔已降五陣法令諸將教習其舊教陣法並罷蓋元
軍營陣為方圓曲直銳凡五變是為五陣至是復今與舊教御
陣互教

四月右司諫蘇轍上言諸導禁軍自置將以來日夜按習武藝將
兵皆蚤晚兩教新募之士或終日不得休息今平居無事朝夕雪
之少教閱使無遺力以治生事衣食殫盡憔悴無聊緩急安得其
死請使禁軍除新募未習之人其餘日止一教朝請郎任公裕言
軍中誦習新法愚情者頗以為苦夫射志於中而擊刺格鬪期於
勝豈必盡能如法樞密院亦以為元降教閱新法自合教者指授
不當令兵衆例誦詔從之

徽宗宣和八年詔州軍禁軍出戍外常留五分在州教閱

高宗建炎元年始頒密院教閱格法專習制禦鐵騎摧鋒破敵之
藝習全副執帶出入短檣神臂弓長柄膊刀馬射穿甲施用棍棒
並每年比擬春秋教閱法別立新格行下一日短檣神臂弓給箭
十隻射親去垛一百二十步長柄膊刀謂長一丈二尺以上用檀
皮裹為頭者餘教閱振華軍稱膊刀準此引闢五十次不令刀頭
低墜至地并每營揀選二十人閱習放砲打親旨長柄膊刀手本
色相闢并短檣神臂弓手長柄膊刀手施用棍棒各擊虛三十次
砲手閱習施放七梢大砲排日就營教閱凡經兩閱者每五十人
為一隊全副執帶教習分合一次教習分合隨隊多少分隸五軍
謂如五百人每隊五人即每軍兩隊之類人多依此每軍各置旗
號以顏色樣制物號為別謂前軍用緋旗以飛鳥為號後軍用皂

通考卷一百五十七
旗以龜為號左軍用青旗以蛟為號右軍用白旗以虎為號中軍用黃旗以神人為號又別以顏色樣制物號錯招旗分旗差教頭掌之舉招旗則五軍以旗相應合而成陣舉分旗則五軍以旗相應分而成隊左右前却或分藏為伏或分出為奇並舉旗為號並更鳴小金應鼓為號以備瞻望旗號不及預約伏藏之處慢打小金即伏急打應鼓即奇兵出陣趨戰急打小金即伏兵出所有春秋大教推賞自依海行格法詔依

孝宗乾道二年十一月詔以二十四日幸白石教場大閱其日上幸候潮門外大教場進早膳次幸白石教場登臺上御甲冑三衙統制統領官等起君畢舉黃旗諸軍皆三呼萬歲拜訖三衙合教為三陣馬軍上馬打團教場舉白旗三司馬軍首尾相接舉紅旗向臺合圍聽一金止軍馬各就圍地作圓形排立射生官兵隨鼓聲出馬射獐兔再一金止疊金射生官兵各歸陣隊舉黃旗射生官兵就御臺下獻所獲是日有將校能隻手運大刀者數人刀皆重數十斤賞賚諸將及士卒有差

四年十月四日殿前司言準已降旨揮令三司祇備教閱今躬親相視龍王堂北江岸以東茅灘一帶平地可作教場已修築將壇將來三司馬步軍並各全裝披帶衣甲執色器械至日先赴教場下方營排辦候 聖駕升臺聽金鼓起君畢依資次變陣教閱所有 聖駕出郊除禁衛所窠差儀衛外欲於本司入陣馬軍內摘差護聖馬軍八百人騎執槍旗帶弓箭軍器作十六隊於儀衛前後各分八隊隊各五十人往回沿路各動隨軍鼓笛大樂及摘差本司入教陣隊內諸軍步親隨一千人統領將官三員執弓槍帶刀斧軍器至日先赴將臺下各分左右於後壁周圍留空地三十

步以容禁衛外作三重環立依已降旨窠差入教及從駕往回并圍臺擺甌二千人騎外有用不足千一百十三人又兩忠毅軍寨馬軍共二百十人騎欲於內撥三百人騎前一百於赭山以來打圍射獐兔俟教陣畢以射到獐兔至御臺下進獻從之十六日上幸茅難抽摘諸軍人馬全裝執仗前一日於教場東列幕宿營是日三衙管軍與各軍統制統領將佐全裝披帶導駕乘馬至護聖步軍大教場亭更御甲胄到灘上登臺三衙起居畢權王管殿前司王達奏三司人馬齊舉黃旗諸軍呼拜者三達奏請以次變陣教閱中軍鳴角倒門角旗出營馬步軍簇隊收鼓訖連三鼓馬軍上馬步人撮起旗槍四鼓舉白旗中軍鼓聲旗應變方陣為備敵之形別高一鼓步軍四向作禦敵之勢且戰且前馬軍出陣作戰閱之勢別高一鼓各分歸地分五鼓舉黃旗變圓陣為自環內固

之形如前節次訖三鼓舉赤旗變銳陣諸軍相屬魚貫斜列前利後張為衝敵之形亦依前節次訖王達奏人馬教絕取旨擢當頭舉青旗變放教直陣收鼓訖一金止重鼓三馬軍上馬步人灑落旌坐擊刺無不中節上大悅犒賞倍之士卒歡呼謝恩如儀鳴角簇隊訖放教拽隊步人分東西引拽馬軍交頭於御臺下隨隊呈試驍銳大刀武藝繼而進呈車砲煙槍及赭山打圍射生馬步軍統制蕭鵬巴以所獲獐鹿等就御臺下進獻人馬拽絕

天閱儀注

其日皇帝至祥曦殿行門禁衛等並戎服迎駕常起居皇帝至知閣門官以下修註御帶環衛官等並戎服常起居宰執以下並戎服常起居訖皇帝乘馬出從駕官從駕至候潮門大教場御帷殿下馬入帷更衣訖

依已降旨揮率執管軍知閣御帶環衛官從駕侍從已下免從駕

皇帝被金甲

出幄行門禁衛等迎駕奏萬福從駕官應奉臣皇帝乘馬皇太子
自大教場帶全裝甲乘馬從駕宰執使相至教場臺下馬升臺入
正任管軍知閣御帶環衛官並戎服從駕幄從駕官宰執親王使相正任知閣御帶環衛官升臺於幄殿分
東西相向立管軍並令全裝衣甲帶御器械執骨朶升臺於幄殿
稍南面西立俟入內官喝排立皇帝出幄行門禁衛等迎駕奏萬
福皇帝出閣門分引殿前馬步三司統制統領官常起居訖次三
司將佐以下聽鼓聲常起居次殿帥執骨朶赴御座前奏教直陣
俟教閱畢再赴御座前奏教圓陣俟教閱畢再赴御座前奏教銳
陣俟教閱畢再赴御座前奏教閣畢歸侍立內侍傳旨與殿前太
尉某諸軍謝恩承旨訖轉與撥發官引三司統制統領將佐再拜
謝恩訖各歸本軍皇帝起入幄更衣訖皇帝出幄皇帝坐舍人引
宰執整後立俟進御茶床舍人贊就坐宰執躬身應喏訖直身立

就坐進第一盞酒起立整後俟皇帝飲酒訖舍人贊就坐躬身應
喏訖直身立俟宰執酒至接盞飲酒訖付殿侍次舍人贊喫食並
如儀至第四盞傳旨宣勸訖御藥傳旨不拜舍人承旨贊下要拜
贊就坐第五盞宣勸如第四盞酒食畢舉御茶床舍人分引宰
執於幄殿重行立御藥傳旨不拜舍人承旨訖揖宰執躬身贊不
要拜各祇候直身立降踏道歸幕次皇帝起乘馬至車子院下馬
皇帝出幄至車子院門樓上親王使相正任并戎服俟駕至車子
御帶環衛官飲酒並戎服於御座前相向立出賜親王酒再拜謝訖次賜使相正任并
管軍知閣御帶環衛官酒訖逐班再拜謝訖依舊相向立次親王
執盞進皇帝酒皇帝飲酒訖一班再拜謝訖俟 皇帝觀看畢起
降車子院門樓歸幄親王已下退從馬臣僚免奏
皇帝乘馬出車子院門行門禁衛等迎駕奏萬福皇帝乘馬至候

潮門外大教場應從駕萬福應從駕官並戎服乘馬從駕回皇帝

乘馬入和寧門至祥曦殿上下馬還官餘放

淳熙四年十二月大閱殿步兩司諸軍于茅灘

十年十一月上幸龍山教場大閱

淳熙間立定槍手及射射鐵簾賞格槍手以窺刺多寡為十二等

支銀兩高下有差殿步行司江上諸軍亦如之射射鐵簾以步數

遠近犒賞緡錢亦有差

江南西路安撫司將領陳植言軍中陞加添進事藝的在硬弓勁

弩有如弓弩手百步取勝使敵人不敢輕進而謂之長兵者是也

萬一弓弩射不及遠致敵一衝突我陣之前則與無矢同矣今所

在按拍唯務持滿為合格一不知不過槩者為不應法既不應法

雖合格復何所用乞自今以往弓手以六十步為額弩手止以一

百步為額庶幾彎拾有力施放和易按拍之時必期於滿鏃合格

過槩應法如是則朝廷可以得實効而無濫賞矣望以弓弩手降

付有司重別參校擇而行之詔令承旨司同殿前步軍司看詳申

樞密院

十六年光宗即位詔以十月內擇日城南大教場大閱

紹熙二年樞密院言殿步司諸軍弓箭手帶甲六十步射一石二

斗力箭十二隻六箭中槩為本等弩手帶甲一百步射射四石力

箭十二隻五箭中槩為本等鎗手駐足舉手攢刺以四十窺並為

本等令各處主帥委統制統領官精加比較本等外取陞加最多

人每軍五千五百人以上弓手取一十五名弩手取一十五名槍

手取一十五名保明解赴主帥審實解密院取旨再試各選取出

等高強二名特與補轉兩官資其餘元解到比試不中人令各司

每名犒設錢五貫候將來衣同再試如事藝一同弓弩手令射遠躬親比較槍手令格鬪勝負比較殿步軍司就來春拍試一次校副尉以下至白轉至承信郎住拍軍兵自長行轉至副都頭住拍詔從之

寧宗慶元二年詔以今冬幸茅灘教閱

嘉泰二年十月上幸候潮門外教場大閱

